

光緒江西通志

江西通志卷八十七

經政略四

榷稅 九江關 九江新關 贛關 附捐釐始末

九江關

九江關明初有關稅無船鈔宣德四年九江始設鈔關徵收船料景泰元年始差主事監收成化二年冬十一

月徵九江船鈔七年二月復設九江鈔關謹案明史食

年委御史戶部錦衣衛兵馬司官於城門察收舟船受

僱裝載者計所載料多寡路近遠納鈔鈔關之設自此

始於是年有鄱縣濟甯徐州淮安揚州上新河諸壑九江

金沙洲臨清北新諸鈔關量舟大小修廣而差其額謂

之船料不稅其貨惟臨清北新則兼貨稅差御史及主

事監收景泰元年于謙柄國船料減至十五貫成化七

年增置蕪湖荊州杭州三處此云景泰元年始差主事

監收成化二年徵船鈔七年復設鈔關皆不見諸明史

北立廠不詳成化間復設事謝志所載嘉靖四十二年

科臣張鳴瑞請移關湖口撫按諸臣議未便遂添設一

關於湖口縣西上鐘山麓算彭蠡湖出入舟船徵料附

潯關彙解隆慶元年御史張啟元奏罷之張啟元疏略

所以議商賈也而權征隨之嘉靖四十二年又添設一

廠於湖口所收料銀附九江併解當時建議者不過網

羅商旅議察江河而已詎知其為南土之陷阱大江之

炮烙也臣備員南路遇東南來者莫不感額曰昔年盜

在江中今日盜在湖口江中之盜劫財湖口之盜劫命

始作俑者恨不得生啖之其利逐利於家僮今乃流毒

於生靈而莫可挽也何則湖口形勢兩山夾峙岸石嶮

巖江漢合流湍洄浪急未有關廠則舟檣上下觀便取

徑不必穿泡挺濤冒險停撓設關以來不問軍民必取

灣泊丁水者當回流之橫衝難於近岸上水者逆流頭

之激射難於進港或風浪駭發跳躑待斃而巳自立廠

之日以迄於今不知幾千人葬魚腹中也既奉明詔自

該本處直議奏革茲恐殘載路而議請罕聞何哉此聚

一設徒快意於湖口之市井而落膽於江漢之往來實

媒利於委官之私橐而媒言於內帑之密網也昔之納

料論季今之納料論遭昔之納料論輩今之納料論船

停泊稍遲卽以越關抵罪人臨吉者旣稅於九江又重
需於湖口入漢黃者旣樵於湖口仍不稅於九江名爲
兩關一料實爲兩關兩料未嘗立關崇暴也而且重關
爲暴非惟盡民之利也抑且戕民之命何其忍也又曰
倘議者以船之由九江卽有輪料其往來慶池等處者
詎肯緩之脫然寓識考以防奸細亦有不容撤者臣竊
以爲過矣南康巡捕之官可以盤詰慶池之往來者可
脫然於四十二年之前而不可以盤詰慶池之往來者
乎且出九江而上湖襄者道遠而生息繁不山九江
而下慶池者道近而生息寡九江之廠非漫無見而
致遺算於湖口也萬一地不允撤廠之請請易建廠之
可乎由湖口而上有地曰大孤廠廠之請請易建廠之
可免衝激之厄且無撞臨之危人烟輳集薪米裕饒立
闕於此庶幾利於宿泊脫於沈溺耳宇舍不必改創廟
房可以止居此又萬歷二十六年九江民馮萬善入京
請損之一策也陰誘中人以礦稅之利語上聞遂遣御馬監太監李道
出董其役萬善等爲之羽翼初止料船分潯關額鈔旣
而奏請征商有督理湖口靳黃安慶之號搜括無遺商
民苦之後兵備副使葛寅亮稍繩以法久之御史鄧澄

疏請撤回湖口稅監遂於四十三年撤李道以南康九

江有司官領其事鄧澄疏略曰前以聖母介壽皇孫誕

大丁告竣一切停止海內謳歌如出湯火獨江西稅監

李道潘相食戀利權不忍釋手明圖占於己陽肆詆

誣於人業經按臣露章獨以寢閣未報二瑤便揚揚謂

無顧忌今天厭其惡李道湖口之居一旦付之烈燄此

殆元亨示異以此輩之不可一日不撤也李道親歷災

變中懷怵惕又復貪濡姑設詞以嘗試聖意之可否臣

愚謂今日當斷斷聽從其請不宜使江右遺黎尚納塗

炭也天下之稅皆已歸併獨江右付之虐瑞假台江右

膏腴甲於他省猶為苦樂不均矧其地介於吳楚閩粵

之交地磽瘠而民寒儉東北水鍾西南山塞僅小商

小賈乃肯登頓崎嶇冒涉波濤耳悉其人與貨而錄之

其實不足當他省之什一乃行省既有人與貨而錄之

有李道何地何民勝此魚肉糧船為國轉運從來未有

稅及備載戶部議單明許附帶土宜而李道公然邀截

肆行攘奪當旋湖猛風之中振舵收帆不暇廬陵一邑

軍旗頃刻付之魚腹至今言之無不枚舉臣聞虎口之

也雖其搏噬猶然擇肉比其饑也誰能禁之今湖口之

居乘界炎火度其平日所積蓄已煨燼為多將來何所

取償勢必別作一番咆哮是饑虎之噬也盜於夜也雖

其劫略猶然憎主比其豎也復何忌焉今湖口之焚燬

畏神怒明憚聖聰惴惴惟此一時苟尚假以利權便謂
主上信任不疑縱天變何能難我是白晝之攫也抑尤
有隱慮者民饒則畏法窮則法不足以求之今以窮苦
無聊之民迫以數年搜括兼之小旱頻仍業已如無生
趣且虔竢橫聯五嶺彭蠡襟帶三江不逞之徒向所淵
藪如乘此焚燎之後派丁橫役伐石斫材急圖真居狼
期壯麗張虎狼無厭之求際烏獸搜啄之會近者滇中
之事不足為寒心乎上天明明變不虛生焚居已兆其
疾威不慎必逢其震怒臣又不暇為江右之民惜歲餘
而為稅監惜不逢其震怒臣又不暇為國體惜也

遷置南康府光宗立盡罷之崇禎十年湖口知縣陳文

德請於巡撫解學龍謀復湖關疏入不報

謝志

國朝順治四年九江關主事台汝礪雙羊董得功與巡撫

都御史章于天議立關湖口值金聲桓變作中止既而

復立部議罷之

謹案湖口舊志順治四年移九江關於湖口六年復歸九江

十二年

主事費達又以為請事下巡撫郎廷佐巡按筴重光九

江道薛柱議廷佐等奏以湖口不便立關事遂寢康熙

四年定制各關稅均交地方官管理以九江關歸九江

道八年復遣部員徵稅二十一年題準九江關移駐湖

口謹案白志云由權使蘇赫疏請改駐謝志作權使哈

官表亦不載考是年監督為阿喇密三書皆同惟安志

稱二十一年移駐湖口以蘇赫裴憲度領關務則白志

以爲蘇赫者近是又據白潢議開武曲山港疏稱兩江總

非然是總督湖口稅廠在利涉門外五十七年巡撫白潢

疏請濬武昌港遂移廠港岸

兩山峻巖夾峙直插江中泊船處所止有虹橋一港偏

在山脚夏秋水漲僅容小船一不無撞岸觸石之虞此商船

得不沿江灣泊之險且風陡作不無撞岸觸石之虞此商船

候驗停泊之險且風陡作不無撞岸觸石之虞此商船

關報稅不能直捷徑行必由梅家洲嘴轉行十有餘里

來若風順則去必風逆上下挽駕艱難萬狀及至水漲

則湖水江流交匯於虹橋港口之前兩水衝激洶湧與

常少有微風即蹈不測此又商船出入港口之險也臣

再四籌畫如原任兩江總督臣阿山請比照江南海關

之例於九江湖口二處分收稅課商船穩泊

虧似屬妥便但格於部議臣亦不敢再爲請惟有湖
口關右里許有武昌港可容千艘但夏秋有水冬存亦
湖必大爲挑濬方能四季容舟今酌量白江邊起至港
塘口止共長九十三丈寬八丈至十二丈不等深二丈
至四丈不等港塘長一百丈寬五十五丈深三丈至臨
江港口左右建草壩二道以阻淤沙其壩各長四十丈
有零牽高二丈有零外各排樁以固壩根如此則港水
不涸泊船無虞更請
商民船到隨驗不致留滯將見客艘商船歌及雍正元
聲載道共祝我皇上萬壽於無疆矣

年部議覆準九江關仍自湖口移歸九江其不由九江
經過往來商船於大姑塘別設口岸令江西巡撫選賢
能官二人一駐九江一駐大姑塘凡船經九江納稅過
大姑塘驗票放行過大姑塘納稅至九江亦如之禁重
徵苛勒以稅務責巡撫令地方官監收停其遣官由巡
撫題委道府遞管大姑塘分司題委知府同知通判遞
管乾隆四年設監督九江關稅審務以內務府員外郎

管理四十三年始移廣饒九南兵備道駐九江兼監督

九江鈔關稅務會典事例 九江湖口縣志

九江關稅額明宣德中本色鈔二百九十三萬餘貫錢

六百八十九萬餘文折色船料正餘銀一萬五千餘兩

志

國朝稅額銀一十七萬二千二百八十一兩三錢六釐有

奇謹案安志康熙二十一年八月移關湖口定以一年

萬六千七百八十八兩三錢六釐謝志康熙二十二年七月凡徵銀一十二萬九

萬六千七百八十八兩三錢六釐謝志康熙二十二年七月凡徵銀一十二萬九

萬六千七百八十八兩三錢六釐謝志康熙二十二年七月凡徵銀一十二萬九

萬六千七百八十八兩三錢六釐謝志康熙二十二年七月凡徵銀一十二萬九

萬六千七百八十八兩三錢六釐謝志康熙二十二年七月凡徵銀一十二萬九

萬六千七百八十八兩三錢六釐謝志康熙二十二年七月凡徵銀一十二萬九

五贏餘銀三十六萬七千兩

嘉慶四年定額三十四萬七千八百兩九年酌減盈

餘額數始定爲三

十六萬七千兩凡官商鹽茶有徵客商貨物除竹木

輸稅外餘皆無徵惟科船料船分類均量寬深及長以別號數定稅輕重船之大者頭號徵銀四十八兩五錢辰船駁船大槳船大廣船大襄船竹山船二號減徵銀五錢三號以下各減一兩至八號止撫船大斗船大鴟子船方稍船大黃船大敞稍船頭號二號又各分十號三號又分四號計二十四號二號減五錢三號至十九號遞減一兩二十二號各減五錢二十二號至二十四號又遞減一兩其次大座船頭號徵銀四十六兩大扁船頭號徵銀四十兩白二號以下遞減一兩至八號止大划船頭號分十號二號分八號計十八號第一

號徵銀四十三兩二號至十三號遞減一兩十四號十五號各減五錢十六號至十八號又遞減一兩柏木船頭號分十號至二號之一計十一號第一號徵銀三十六兩自二號至六號遞減一兩七號八號各減五錢九號以下又遞減一兩湖南船頭號徵銀三十兩五錢二號減五錢三號減一兩至五號止大鴉尾船頭號徵銀三十兩二號減一兩至四號止以上船有再大於頭號及帶有小五船者係大船隨帶之小船僅載五人均徵銀四十八兩五錢不分號數其餘無小五船者各按丈尺分定號數編徵稅銀又其次船頭號徵銀十有六兩九錢划船巴斗船自頭號至十五號各分十號十六號分三號計一百五十三號鴉尾船十五號中撫船十四號各分十號計

一百五十號一百四十號鵬子船頭號至十三號各分
十號十四號分五號計一百三十五號采石船臨江船
頭號至十三號各分十號十四號分四號計一百三十
四號桐曹船十三號各分十號計一百三十號渡船頭
號至十二號各分十號十三號分五號計一百二十五
號漁船頭號至十一號各分十號十二號分五號計一
百十五號下江黃船頭號至十號各分十號十一號分
五號計一百有五號三板船頭號至九號各分十號十
號分四號計九十四號中辰船頭號至八號各分十號
九號分九號計八十九號鎮江沙船焦湖船頭號至八
號各分十號九號分五號計八十五號鯤船八號各分
十號計八十號以上均自二號減徵銀四錢三號至五

號遞減五錢五號以下遞減一錢瀨子船頭號至十一號各分十號十二號分三號計一百十三號一號徵銀十有六兩二號三號各減五錢四號以下遞減一錢蕪湖船十四號各分十號計一百四十號宋埠船十四號各分十號至十五號之一計一百四十一號搖船扶稍船頭號至十三號各分十號搖船至十四號之五扶船至十四號之一計一百四十五號一百四十一號江窩船十一號各分十號至十二號之一計一百十有一號其頭號均徵銀十有五兩三槳船九號各分十號計九十號巴干船八號各分十號至九號之一計八十一號其頭號均徵銀十有四兩車牌船十一號各分十號十二號分八號計一百十有八號豐城船十一號各分十

號至十二號之一計一百十有一號其頭號均徵銀十有三兩宣船十號各分十號至十一號之六計百有六號頭號徵銀十三兩五錢奉新船九號各分十號至十號之六計九十六號頭號徵銀十有一兩兩尖船九號各分十號計九十號頭號徵銀十兩中扁船七號各分十號計七十號滿江紅船五號各分十號至六號之一計五十一號頭號均徵銀八兩本水船二號各分十號三號分九號計二十九號頭號徵銀三兩以上均自二號以下遞減銀一錢課船丈尺無異均徵銀十有三兩五錢帶腳船者正課腳船徵銀四錢外課腳船五錢鹽船不論丈尺號數無小五船者徵銀四十八兩五錢有小五船者五十七兩帶腳船者每船徵銀一兩多者按

數加稅差船有火牌勘合者不徵船料無火牌勘合者與茶船魚苗船皆量船之丈尺照商船例徵收鹽稅按桅封水程鹽包數目第一萬包作二萬包徵銀十有七兩餘每萬包徵銀八兩五錢每千包徵銀八錢五分茶稅上則百觔徵銀三錢中則一錢下則三分竹木稅木筏丈量深闊及長積算三丈六尺納銀十有七兩五錢分算一丈納銀四兩八錢六分二釐漲船每船納銀一兩木段板片並腳船均無徵小木把計根數圍圓一尺以內者每根徵銀三釐一尺以外者七釐二尺以外者四分竹筏量深一尺作三根長二丈爲一截寬則計根數一根稅銀二釐小竹把計根數一根徵銀二釐

會典事例

咸豐三年正月粵賊陷九江旋走安慶江上戒嚴商賈

聞警多遠逸百貨不通監督廣饒九南道義泰因奏請
本年徵稅儘收儘解奉

旨現在軍務未竣江路商旅未能暢行九江關應徵本年稅銀
準暫行儘收儘解又

諭曰嗣後各關均宜設法整頓不準以儘收儘解違例奏請如
將來虧短實屬有因俟一年期滿奏報到時由戶部酌
量奏請核辦其年五月賊再陷九江遂踞城以守官軍
圍攻五年迄八年四月收復郡城關燬未設會安慶江
甯頻年攻戰九江所轄地上至二套口下抵湖口縣方
設卡捐釐以濟軍食於是巡撫覺羅耆齡奏請九江關
亦暫徵船釐計船戶受僱裝載之值抽分之不稅船料
蓋九江關稅停徵者前後閱十年及我軍克安慶邊境

無事戶部奏定以同治元年十月十二日開關令船料
 竹木鹽茶按舊制徵稅限一年奏報徵數酌量辦理關
 廠舊阻偏處通商口岸因擇地江邊改建九江關正稅
 鈔關九年復建大姑塘關署事詳建置
 及贏餘定額五十三萬九千餘兩迨二年期滿僅徵銀
 十二萬餘兩缺額銀四十一萬餘兩三年復缺贏餘銀
 三十一萬餘兩巡撫沈葆楨奏請免賠部議免九成賠
 一成四年仍缺贏餘額銀二十四萬餘兩五年巡撫劉
 坤一奏請贏餘缺額暫予免賠奉

旨俞允

巡撫劉坤一疏略曰據九江關監督俊達詳稱前署監
 督蔡錦青自同治三年十月十二日起至四年五月十
 三日止計二千五百三十三兩零正銀九萬九千九百二兩零
 耗銀九千五百三十三兩零正銀九萬九千九百二兩零
 百四十九日接徵起連閏至九月十一口關期屆滿止計一
 九兩零耗銀一萬八千六百零正銀十萬五千二百一十
 萬四千七百四十四兩零又風篷洋船共收正耗銀二十二
 隻洋

行土船共過三十三隻江漢關載木船共過八十四隻	照關例核算應徵船料銀五千四百兩零又江	漢關已收洋商出口木筏稅銀九千一百三十八兩零	船載木稅銀六千二百一十兩零統計本年徵收洋稅	二萬七千九百五十五兩零應請照案在於本年徵收	項下儘數撥補又各省徵調遣撤官兵運解火藥餉銀	及採辦軍食器械等項船隻過關蔡錦青任內免徵船	料銀四萬九千六百三十五兩零共計免徵船料銀七萬	銀二萬二千八百八十五兩零請照案作正開除以上抵補短	二千五百二十兩零存正耗共銀三十一萬八千六百	收盈餘各款連徵存正耗共銀三十一萬八千六百	零內除耗銀一萬九千六百二十二兩零不入比較外	按原額實在一萬九千六百二十二兩零不入比較外	零伏念九江關額徵正稅銀二十七萬四千三百兩	餘銀三十六萬餘兩較正稅計銀二十七萬四千三百兩	物阜船貨流通收稅暢旺正稅多至兩倍有餘從前民豐	不如前徵收盈餘每有短絀之患至咸豐三年逆匪京	擾關稅停徵十年之久同治元年江路稍通始行開闢	徵稅而東南各省兵燹之餘地方殘破居民多未復業	百貨滯銷鄰省營報頻聞商賈尚多裹足且九江關例	徵船料鹽木茶竹五項稅課茶竹本屬無多向以船料	鹽木為大宗旺收之年祇此三項徵銀五十餘萬近	時內地大船多被髮逆焚燬關口逐日稽徵船料悉是	中下小舟每隻徵銀數錢暨數兩不等至十數兩為最
-----------------------	--------------------	-----------------------	-----------------------	-----------------------	-----------------------	-----------------------	------------------------	--------------------------	-----------------------	----------------------	-----------------------	-----------------------	----------------------	------------------------	------------------------	-----------------------	-----------------------	-----------------------	-----------------------	-----------------------	----------------------	-----------------------	-----------------------

絕無完稅四五兩之滿料大船加九江漢口通商
外內地船往來便捷華商貨物多則民船少洋稅則常稅稀
抵內此數十大船然即就本屆關期而論共過上下水
彼盈此絀勢所必然計應徵船料銀十四萬四千九
輪船四百二十零八隻核計應徵船料銀十四萬四千九
百十四兩零因上屆關期部議未準撥補此次自難請
抵卽此一端暗虧常稅不少此船料短徵之原委也江
西兩廣向食淮鹽自江路梗咀改食川粵等省之鹽嗣
經兩江督臣曾國藩整頓淮網招商販運設局督銷應
納關稅責令局員收解而鹽網未暢旺每年解到稅
銀僅祇一萬數千兩金現收鹽稅亦以華商之往來不及
寥過年徵稅僅止萬兩項徵稅亦短絀之原委也商販
四分之二被兵而滯銷運貨民船又爲輪船所侵佔潮
物既以年開關起至今時已三年又爲輪船所侵佔潮
同治元年開關起至今時已三年又爲輪船所侵佔潮
之計亦窮而各稅收數仍無起色實緣今昔情形迥異
以致關稅不敷甚鉅元本屆短徵銀四十一萬餘兩
短徵銀二十萬餘兩本屆短徵銀四十一萬餘兩
雖上兩屆短收之數均經部議減免九成著賠一萬
蒙該道每年應領監督養廉銀一萬一千兩向係解
辦處充公僅領巡道養廉銀二千餘兩辦公尚屬拮据
安得餘資依限賠繳一經限滿照例已負累無窮該
此後任復然前監督廷曙蔡錦青俱已負累無窮該

晉俊達勢必又爲之續因思開闢之初部議本有酌量
情形核辦之語是部臣亦深知外省稅務凋疲不能拘
以常法竊計關稅以正額爲重自應按額徵足不得濫
請儘徵儘解其盈餘銀兩從前旣以旺收而逐年加增
今以洋稅致虧常稅似應與時推移量從寬免所有本
屆及以後徵收盈餘短絀可否邀免著照等情具詳請
奏前來臣查九江通商口岸常稅盈餘銀兩實因兵燹之後
商販無幾加以長江通商口岸常稅盈餘銀兩實因兵燹之後
因該監督廉俸無多力難賠繳若照例勒限著照則前
後各任轉瞬均應革職監追殊堪矜惜且常稅細而洋
稅盈名目雖殊究於國課無殊缺合無仰懇
恩俯準將本屆短徵盈餘銀兩及以後徵收盈餘如有
短少暫免著照臣仍當隨時察看以俟稅務漸有起色
卽行奏明復歸舊制倘該監督以多報少或任委員
人等從中舞弊不肯認真整頓臣一有聞見便據實
嚴參重治其罪斷不敢稍事姑容同于欺隱之咎
自長江通商各國輪艘得行中土懋遷化居因利乘便
者率倚之爲捷徑旣設新關常稅恆絀雖日整頓未能
復額固時勢攸殊亦以兵燹之後小民生計不足故也

九江新關

同治元年長江口岸已約通商別設新關徵收洋稅置
外國稅務司由外國總稅務司派員歸九江關監督管
轄令查驗稽徵稅務司設外國幫辦二名外國打手十
名華人打手十四名月支經費銀三千
兩監督仍派員會辦稅務會辦稅務官三員發審官一
員庫官一員月支經費銀一
千四百三十八兩稅無定額儘徵儘解

長江通商之議創自咸豐八年及十年九月撫事成更
換和約英吉利國欲先赴漢口九江開商於是巡撫毓
科奏委布政使張集馨赴九江會議值粵賊由徽池出
東流建德犯彭澤湖口水陸各軍分馳迎擊集馨議以
兵戈棘路有礙舟行商旅屏迹難期交易請奏從緩辦
忽英國參贊官巴夏禮領事官許士水師提督賀布齊
赴九江謀設口岸通商卽與布政使張集馨定議相度

九江西門外龍開河以東至思口之西地一百五十畝

橫一百五十丈縱六十丈立約定界築室以居歲納賦

如制此十一年二月十五日事也

凡租地一百五十畝歲徵地丁正耗兵米

折價銀一十八兩五錢三分五釐遇閏加銀入錢四分九釐定每年四月清交德化縣方可承租無異語具約

中同治元年美利堅國領事官畢理格亦租西門外地

九畝餘又龍開河西岸地五十畝如英國故事法蘭西

國不設領事無商賈而傳教人亦取琵琶亭廢址以爲

和約準彼游歷之所先是各國通商新關未立往來納

稅均由上海關徵收分撥湖北江西後上海軍事方亟

湖廣總督官文遂有漢口九江設關徵稅之請且請更

正舊例總理各國事務衙門乃劄飭署總稅務司赫德

前往會商至是定長江事宜及江漢關收正稅子口稅

章程類若畫一令徵稅彙數報戶部聽撥解船貨稅則
取咸豐八年所定爲準約十年而一易大要值百稅五
金銀錢錠雜物則免之船鈔以噸計裝載逾一百五十
噸則輸鈔銀四錢僅一百五十噸或不足則輸鈔銀一
錢船進口艙未啟欲他往者限以二日出口免納鈔逾
二日者納鈔如約既納鈔欲他往由監督給照至他口
呈驗以免凡船納鈔以納鈔之日始限四箇月限外仍
納鈔如之三板小船僱用中土民船納鈔亦如之謹案江漢
開收稅章程內江輪船例舊定輪船限四箇月納鈔一
次今輪船在鎮江入九江漢口三開輪流納鈔每年各
關僅徵船鈔一次以三成解總理各國事務衙門爲同
文館經費以七成由稅務司解總稅務司留爲沿海沿
江建設塢表
望樓諸用
禁令則軍械食鹽不得販運硝磺白鉛不
得私賣錢及米穀不得出境計貨納稅用稱碼丈尺依

粵海關部頒定式弗能紊凡船載貨先納正半兩稅

謹案

通商條款凡進口貨物準一次納稅免各子口徵收土貨則在首經子口稅銀二兩五錢是為半稅凡土貨由九

江出口者徵出口正稅洋貨運九江進口者徵進口正稅請領單照赴內地買賣沿途不納釐稅但徵子口限三

箇月若船貨運海外經報江海關給照來驗準仍留所

納半稅抵後稅銀

謹案九江關子口總卡下游在老鵝塘上游在官牌夾

舊制海

關定限亦以一年為率截數具報咸豐十年乃改新法

用英國所紀月日計日數盈三箇月為一結奏報稅數

一年凡四結徵收動支數目則四結而一報

長江通商國名

凡已立約諸國非許入長江通商者不與依立約先後次之

英吉利

舊為英圭黎或曰英倫的或曰及列的不列顛今稱英國始道光二十二年江甯立約咸豐八年

年更定十年續定準長江通商法

國相繼而起謹案英吉利國乾隆五十八年嘉慶元年

至是始大遂雄海邦

法蘭西或作法郎西舊為佛郎機或曰奧盧或曰牙

美利堅或作米利堅舊為亞墨利加後為亞美理駕合

布路斯舊為單鷹國或曰比阿爾彌亞或曰部魯西亞

商兼德意志公會各國凡二十五年立約謹案布路斯通

模令布而額錫特利子二邦律百克伯磊門昂布爾三

俄羅斯舊為羅利後為鄂羅斯或曰莫哥斯未亞今稱

陸路通商章程惟第九條議定南北各口販買土貨出

水路出口進口及由俄國販洋貨由水路進口出口仍

照各國總例一律辦理

丹麻爾舊為連國或曰大馬爾齊或曰低納

荷蘭舊為賀蘭或曰法蘭得斯今稱和國同治二年立

年乾隆五十九年四次入貢康熙三年以

助兵克廈門金門會賜敕諭之國

日斯巴尼亞舊為西班牙或曰千絲蠟或曰大呂宋今稱日斯巴尼亞國兼管呂宋國同治三年

立約

比利時舊為比勒治或曰比爾日加或曰彌爾尼王今稱比國同治四年立約

義大利舊為意大里亞或曰伊達里亞或曰羅問或曰薩都爾尼亞今稱義國同治五年立約

意大里亞意大里亞雍正三年入貢之國

奧斯馬加案奧斯馬加利今稱奧國同治八年立約

洲

日本舊為倭國唐咸亨元年改號日本今猶稱日本國同治十年立約

論互市以推場云西諸番盤據古俚麻刺加瓜哇呂宋等國皆以利誘之也洋船載貨以珍奇請置權場於

要地以通互市夷中固安於無法而其關防不嚴因託盜賊水火願築土墻以護貨物既而內築保壁外分其

屯戍隱若一敵國矣夫利之所在權之所歸富者為之貨殖貧者藉之衣食恩與威行皆其私人攘臂一呼

應四起客轉為主反掌而已君美卒於日本享保時常雍正初年此論頗具遠識乃日本慶應元年瑞嗣

許部魯西亞墨利加荷蘭法蘭西英吉利五國交易
建商館於神奈川橫濱開港於兵庫越五年而其國亦
效各國通商之事請立約於中國矣百餘年開勢殊事
異存其言以見中外通商之舉由來者漸而其志有同
也

咸豐八年更定通商稅則善後條約於是洋藥弛禁徵

稅

謹案通商條約第五款洋藥弛禁納稅貿易各國止
準在口銷售內地專歸華商販運徵收華商稅則應

按中國辦法即有修改稅則不得比照別貨各國皆同
惟日本稅則條約以彼國進口違禁不列此款名目

九江關舊無專卡嗣議離口較遠扼要之區設卡徵稅

遂於同治二年三月擇地府城西門外設稅局別爲水

陸分卡各一初定水路稅則洋藥百觔徵三十兩陸路

徵二十兩九江稅局按陸路徵銀是年八月部議改照

水路每百觔三十兩不加耗依天津新關例徵銀一兩

以八分留支經費不足則責監督賠補

部議洋藥稅局
經費疏略曰查

常稅經費向係開銷加一耗銀惟前據該撫咨稱洋藥
稅課改照水路數目徵收更難再令加徵耗費外並無餘
稱九江關常稅銀除解支本關一切經費外並開銷
款堪以勻給若照該撫所請在於洋藥正稅項下開
查動用臣等公同商酌臣部奏定解交部庫之項不得
一行處分卡二處所有局卡房租心紅紙張及委員經
等項既屬無款可需而又未便責令該監督全數賠補
白應查照成案酌量給予經費每正稅俾資辦公查天津設立
新關徵收洋稅所需經費每正稅一兩扣撥案今九江關
分等因於同治元年正月開奏準遵辦在案今九江關
於天津新關於正稅項下每兩扣撥八分作爲經費倘
有不敷著該監照數補給以示限制其加平飯銀項下
一款係隨解部庫之項應令即將微收洋藥稅銀兩
動用不得另請作正開銷仍將微收洋藥稅銀兩
部奏定章程按三箇月掃數起解及以前徵存銀兩
併委員迅速解交部庫以充京餉毋得擅自動用致
參處並將徵收洋稅銀商人姓名按季造冊送部查核再
該關華商所交洋藥稅課因在旱路設立局卡改照水
路章程徵收不能加徵耗銀是以旱路章程水陸扣撥
作爲經費此外各關旱路照早路章程每兩扣撥八分
程既係華商所交應仍收取另添八分經費以示限制
不准其援引九江關章程另添八分經費

江西北漢卷之六
藥稅在內地徵之華商非洋稅由九江關別立稅局徵收非關稅然外洋土貨中國資之貿易者此爲最鉅且稅解部庫章程經奏定非通商不弛禁非弛禁不徵稅既徵稅不當遺之爰標異於常稅之外附記新關後焉
贛關

贛關助於明正德六年都御史陳金題設建議者南贛飭兵副使王秩秩既議稅鹽法又以廣閩商舶貨物佔定規則立廠徵稅助軍餉先是宏治中都御史金澤請設稅場於南安折梅亭至是又增設於贛商旅大困正德十一年科臣黃重奏贛稅重複請停止十二年南贛巡撫王守仁據嶺北道楊璋條列呈報遂奏移折梅亭之稅歸併贛關每季委府佐管理權務季終交代
仁疏

略曰據南安府呈繳本年春季分折梅亭抽分商稅
環文簿看得該府造報冊內某日共抽稅銀若干
開有某商人某貨若干抽銀若干前開不無任意
情弊及看得一季總數倍少於前原其所自蓋因
官員止是典史倉官義官等項不惜名節惟嗜貪
以官職卑微人心玩視以致過往客商或假稱權
挾放或買求官吏而帶過及被店牙通同客商買
算以多作少以有作無奸弊百端查前項抽分則
巡撫都御史金澤一遵行年久又查贛州龜角尾
軍餉之用題奉欽依則行年久又查贛州龜角尾
抽分廠建白於總制都御史陳金自正德六年十
二千六百八十六兩六錢三分零本省大帽山姚
盜賊四起大舉夾攻一應軍餉俱仰給於此并未
內帑之積亦未科派小民之財以此而觀則商稅之
益地方多矣緣贛州之稅正德十一年該給事中
奏稱廣貨自南雄經南安折梅亭已兩稅矣贛州
不無重複已勘明停止諸河之稅近復大舉夾攻
餉仰給全在折梅亭之稅今所入如此非惟軍餉
實惟奸究是資隨會同分守左參議黃宏議將南
稅移於龜角尾抽分既有分巡道之監臨又有巡
統取訪察數多奸弊自少其大庾縣僱夫銀兩合
縣每季具印信領狀赴道批行贛州府支領支盡
准令復支如此非惟大庾過嶺之夫不缺而軍餉
之用

大增合就會案呈詳等因據呈到臣看得南贛二府商
稅皆因給軍餉裕民力而設折梅亭之稅名雖為夫役
而實以給軍餉龜角尾之稅事雖重軍餉而亦以裕民
力兩稅雖若二事其實殊途同歸但折梅亭雖已抽分
而龜角尾又復致詰未免有留滯之擾况監司既遠胥
猾得以恣其侵漁頭緒既多彼此得以容其奸隙若革
去折梅亭之抽分而總稅於龜角尾則事體歸一奸弊
自消非但有資軍餉抑且便利客商蓋分合雖異於商
稅事體無改纖毫轉移之萬厯十年南贛巡撫張煥奏
開於民商利害相去倍蓰
改本府通判專司二十七年稅監潘相入虔欲坐筦關
鑰都御史李汝華力爭之四十二年撤稅監仍歸通判
管理

謝志

國朝順治五年以戶部滿司員徵贛關稅康熙四年定各

關稅歸地方官管理於是贛關歸吉南贛道

謹案是時未設吉南

贛道實分守
嶺北道也
八年議各關復遣滿漢部員時贛關仍歸

地方官管理十六年乃復遣部員雍正元年奉

旨贛關停其遣官交巡撫令地方官兼管

會典事例 謹案謝志載康熙二年始遣

部員督關五年歸嶺北道管理六年贛州府管理七年入年同知管理九年復差部員十三年專差部員十六年道府遞管十七年仍差部臣及筆帖式五十六年停差筆帖式惟監督一員遞年更換贛州舊志同與會典所載不合今遵會典始由巡撫題委道府遞管其後專改正而附注以俟考

歸吉南嶺道今吉南贛甯兵備道兼監督贛關橋稅務

謹案雍正初贛關題委南贛道管理旋委贛州府管理雍正九年委吉南贛道管理皆見謝志秩官至乾隆以後知府非護道遂無督關之事

贛關明季初設於贛州湧金門外龜角尾章貢合流處也後因水患移設東西兩橋東橋在建春門外臨貢水西橋在西津門外臨章水皆建浮橋官司其鑰

國朝因之

贛關稅額明時歲徵鹽稅雜稅約計銀三萬兩鹽稅以

八分解部二分留餉雜稅五分解部五分留餉例五年一解有急咨或三四年一解視收數爲盈縮都御史謝杰立月比法隱漏漸少解部給餉之外尚有餘積可備地方緩急萬厯二十七年稅監潘相增收上水稅銀五千兩下水稅銀一萬兩合原額爲四萬五千兩以三萬八千五百兩由稅監轉解其餘以備餉監額必盈軍餉恆絀萬厯四十二年減免增稅七千兩報解猶三萬有奇及撤稅監增稅悉蠲商困乃避公私始克有濟

謝志

國朝稅額銀三萬五千兩入門稅三百八十二兩五錢三分零康熙十九年以鹽改淮課減銀一千兩二十年復增銀三千兩二十五年加增銅價每觔三分五釐計增額稅銀三千七百四十二兩實計額銀四萬一千一百

二十四兩五錢三分續增銅餉腳價銀五千三百四十六兩五錢二分五釐爲額銀凡四萬六千四百七十一兩五分五釐嘉慶四年定各關贏餘數目贛關定三萬八千兩共八萬四千四百七十一兩五分五釐舊制贛及九江關稅贏餘留備兵餉乾隆五十九年停止嘉慶五年奉

旨以贛關正稅留抵虔標兵餉其贏餘銀隨時咨撥商船貨物分上水下水視其貴賤按餉件擔隻竹木計根鐵鍋計合又有臨關例較正稅減則徵收銀一兩五錢以上爲正稅一兩五錢以下爲臨關零稅上水稅則九錢一分九釐一毫則湖絲綢絹等百觔正稅一兩東關免二錢西關免一錢入城不免麝香等百觔人參十觔荊褐百件六錢五分六釐五毫

則褐子百件馬尾帽百頂硃砂大青百觔五錢二分五釐二毫則銀硃百觔氈墊百條徽金扇十箱篋四錢五分九釐六毫則草黃絲石黃等百觔羊皮鞞綾鞞百雙三錢九分三釐九毫則水銀白蠟硃砂雄黃盃壺百觔三錢五分八釐九毫則海粉百觔三錢二分八釐三毫則葛布百件三錢一分五釐一毫則絳鞞百雙二錢九分三釐三毫則枸杞子百觔二錢六分二釐六毫則絲綿金綾百觔首帕百連酒醬油百蠟褐子鞞百雙五倍子紙百篋火紙百把油牌紙百刀粗油扇十篋二錢三分四釐六毫則川烏附子百觔一錢八分三釐八毫則狐裘銀鼠皮襖一件一錢五分七釐六毫則紅花紫草黃蠟礪砂百觔土梭布百件氈鞞百雙一錢三分七釐

九毫則細瓷器百連一錢三分一釐三毫則鞵百雙三
白酒百罇麻菇酒泰酒百罇被面百牀牛犬皮百觔吉
安檯椅百張一錢零五釐則樟腦棉帶等百觔絨帽百
箇建酒百罇一錢則茶焚等一倉九分三釐八毫則白
銅百觔九分一釐九毫則羊皮襖袴十件灰鼠皮襖每
件綾毯百條銅綠大綠砂綠雜販銅錫器百觔七分八
釐八毫則青銅鎖百把暑襪牛舌襪百雙臨江粗茶十
簍瓷器大桶簍七分零四毫則細辛等百觔六分五釐
七毫則不成器銅錫粗細藥材各色細果雜皮百觔氈
背身十件氈片百片氈帽百箇毛毯百條大瓷罇十箇
皮箱十隻六分則香頭油百觔五分九釐一毫則棉花
蜜百觔夏布生布百件五分二釐五毫則棉縷等百觔

燒料器等每箱篋棉布每同二十五件蘇席百條五分
則狐皮銀鼠皮十張惠泉酒紹興酒十罇四分三釐七
毫則粗瓷器百連三分九釐四毫則細茶等百觔簞草
每船烘豆布故衣每包綫香金銀紙烏金紙每箱篋白
果栗子十簞草涼鞋百雙宜興罐大水缸百箇宜興調
羹千箇黃白紙梭絲十把川扇每箱篋梭薦百條瓷器
小桶籃杉枋十塊三分五釐二毫則豆油青油百觔三
分二釐八毫則驢皮黃皮百觔二分七釐六毫則棉紙
連四紙一簞二分六釐三毫則尤墩梭布十件正稅一兩東關
免二錢西關免一錢人城不免眉公布絲布十件蓮肉等百觔香袋荷
包簾枕皮枕百箇漆器爆竹每包裹腳百雙紅魚每桶
甯州紙十把扇骨每擔雨繖百把二分五釐則灰鼠皮

十張一分九釐七毫則浙燭吳茱萸等百觔鴨蛋千箇
毛邊紙煙紙每箱篋大煖帶百條一分七釐六毫則青
礬百觔一分三釐一毫則土罐每擔小水缸等百箇竹
煙管百根廢鐵等百觔甕包等十箇杭履鞮百雙蓑
衣百件莞紅紙每刀草帽帽圈百箇綿襪每箱手巾百
條冬魚仔每籠雪梨每篋柑橘十隻一分零五毫則蘆
蒿百觔一分則芝麻等每擔八釐八毫則瓜子每擔六
釐六毫則小煖帶百條石膏蘆木百觔腳帶百雙五釐
三毫則白礬百觔下水稅則一兩七錢五分九釐五毫
則犀角等百觔一兩一錢七分二釐七毫則沈香燕窩
牛黃百觔九錢三分八釐四毫則翠毛蘇合油馬尾百
觔九錢二分則冰片紅黑纓紅絨絲緯百觔九錢一分

九釐一毫則人參十觔麝香百觔八錢二分一釐一毫

則象牙器玳瑁片腦百觔六錢五分六釐五毫則大青

百觔五錢八分六釐五毫則檀香百觔正稅一兩東關免五錢西關免

四錢入速香百觔三錢九分三釐九毫則石燕海馬西

洋蠟百觔三錢五分八釐九毫則海粉百觔三錢五分

一釐九毫則胡椒百觔正稅一兩東關免五錢西關免四錢入城不免硃砂等

百觔箭竹帽盔楠木每船二錢九分三釐三毫則西關

葛布百件二錢三分四釐六毫則肉白荳蔻等百觔二

錢則紫檀紫榆器蠟九銅扣銅煙管百觔羽緞羽紗哆

囉絨一件一錢八分七釐七毫則畢澄茄百觔一錢七

分六釐則黃蠟等百觔棉布等百件一錢六分四釐二

毫則砂仁百觔一錢四分零八毫則蘇木百觔正稅一兩東關

免五錢西關免紅花等百觔一錢四分則紫檀紫榆木

四錢入城不免百觔被套百箇一錢三分一釐三毫則煤炭百擔

入城免稅

牛犬皮百觔一錢則樺皮弓弦等百觔西洋布十件哩

機緞一件金箔十匣五色紙等每包箱蘇缸十箇翠花

百對缸砂泥罐石灰麻藁每倉砂鍋百箇九分三釐八

毫則銅錫器等百觔九分則小鐵刀百觔八分二釐一

毫則土木角百觔七分一釐則西施舌等百觔七分零

四毫則東關粗細葛布十件

正稅一兩東關免二錢西關免一錢入城不免香

蕈海菜百觔六分五釐七毫則雜皮百觔六分則眼鏡

等百觔廣緞等每連快鞵皮靴十雙木梳百副絨坐褥

十箇氈衣十件香墜百箇箔紅紙一箇五分八釐七毫

則福簪每乘木梳每箱水牛每頭粗篴青鹽等百觔柳

子百箇五分二釐八毫則白糖等百觔五分二釐五毫則黃銅百觔五分則煖帽十頂鞦韆毛鞋撒袋碾鑽十副冬筍十隻醋燒酒十罇鐵盆十箇箭竹十箱紅褐纏腰布坐褥十件建甯瓷器一隻西洋酒十瓶四分六釐九毫則枝員等百觔藍子每擔濾漆生布每同二十五件四分則榛松子百觔皮帽盒漆虎枕十箇三分九釐四毫則草紅紙每包隻廣東瓦器每百箇三分六釐則西洋火把筆麻雲香鞭杆百觔紙盒匣等百箇三分五釐二毫則柑橘等百觔木椅十把柳瓢壺等百箇草席百條鹽蛋每桶箱黃牛每頭三分則竹簾十挂蒲團十箇三弦月琴十張倭羅等每件虎豹皮每張珠鐙等每盞神織一把珠屏十架琉璃鐙十副生豬每隻入城免稅二分

九釐三毫則白炭千觔

入城免稅

二分六釐三毫則斜布十

件苳麻百觔二分四釐六毫則連四紙每隻夾二分四

釐則葫蘆條馬蹏酒糟百觔二分三釐五毫則弓面等

百觔京文紙順昌紙十夾火紙十把木酒碟木碗百箇

青果十擔二分零五毫則底碎皮百觔二分則涼帽十

頂

正稅一兩東關免五錢西關免四錢入城不免

梨乾等百觔羊每隻羊皮十

張盆鼓十面納包十副皮袖氈褶十雙皮護書十箇笙

十牀一分七釐六毫則青靛等百觔竹扇百把竹笠鐙

籠百箇鹽蛋小桶箱高篋竹紙每擔一分五釐二毫則

黑炭千觔

入城免稅

一分一釐七毫則牙灰等百觔熟料火

材每副綢絹等每件一分則香末香膠百觔女冠十頂

兔皮十張葶藶等一擔八釐八毫則瓜子每擔矮篋竹

紙每擔七釐則葵扇百把扇柄每包粗扇每件五釐九毫則豬毛每篋黃樹皮等百劬皮扶手每件釘靴每雙大皮箱每隻三釐五毫則肥皂每篋黃甘石等百劬一釐二毫則棋盤天平釐等每件香旗牌等每箇藤席龍鬚席每條紗扇漆扇每把鐵鍋則四錢六分九釐二毫則中老天龍曹海曹每百合二錢九分三釐三毫則頂罐百連二錢三分九釐三毫則牛魁每百合二錢一分九釐四毫則辛酉每百合一錢七分九釐四毫則象獨每百口老干每百合一錢四分零八毫則時耳龍耳現口每百連一錢一分九釐六毫則辛干每百合一錢零五釐六毫則三樣獨瓶每百連五釐九毫則鐵竈水火爐每副 木排清流木每根一錢六分臨關四分草流

木每根八分臨關二分

清流草泥二木每十根免十分之四

杉木每根四

釐臨關一釐皮槁木每根二釐臨關一釐杉桐枋每塊

五分臨關一分松木每根三分臨關八釐林木每百根

四兩五錢臨關一兩五錢柯木每百根三兩臨關一兩

松枋每百塊三兩臨關八錢擺枋每百塊一兩五錢臨

關五錢松柯株板每百塊二兩八錢臨關九錢松桐雜

木火柴每百根二錢臨關六分

杉皮槁等木每十根免十分之一

苗竹

每百根一錢臨關三分

入城免稅

筴竹每百根五分臨關一

分五釐

入城免稅

臨關例人參每十觔一錢六分沈香麝

香等每百觔一錢六分魚魴每倉一錢檀香等每百觔

八分瓷器廢錢等每倉八分西關葛布每箱五分土木

細茶每百觔四分東關葛布每同三分黃煙每箱三分

煙肉等每百觔二分鐵鍋每十合二分竹箭每十箱二分冬魚仔每籬一分六釐耳鍋每十連一分棉布每同一分瓷器每大小桶籃俱一分葵扇每包四釐豆豉等每擔四釐廣紗等每件一釐六毫

會典事例 贛州府志 贛關收稅則例

贛關舊有鹽稅雍正七年巡撫張坦麟以鹽歸淮課咨部刪除竹木稅而外商賈貨稅以絲稅茶稅爲大宗道光二十三年江甯撫議成戶部議通籌海關收稅事宜定內地商販凡湖絲赴福州廈門甯波上海與外國交易者按赴粵程途越一關則補一關之稅於是贛關及北新太平二關稅數皆出代徵按歲報部洎咸豐十一年更立和約改江海關代徵絲稅僅納內地半稅三關正稅遂不復補茶稅則長江通商商賈販運畢集於九

江漢口不復至贛且由粵入贛由贛達江灘石險惡行
旅苦之輪艘涉江海行速而事簡則爭趨之向之衝途
今爲迂道貨不至稅大紕先是咸豐五年部議贛關每
年有攤繳內務府參價銀四千兩準銷正稅至同治九
年始籌解新舊參價議歸贏餘自同治初贏餘久不及
額皆奏請減免部議免九成賠一成至九年御史馬相
如疏陳關務有虛額之名無實徵之益請參酌賠款於
是部議贛關免八成賠二成十二年以後徵數仍紕視
前少贏巡撫劉坤一復請減免部議準免九成賠一成

奉

旨俞允

戶部議奏江西巡撫劉坤一奏贛關同治十三年分短
收贏餘銀兩懇請援案減免疏略曰據原奏稱據吉南
贛甯道兼管贛關橋稅務文翼詳稱自同治十二年五
月十六日起連閏至十三年四月十五日止徵收正稅

連耗銀四萬四千二百五十三兩一錢四分三釐又臨
關零稅連耗銀一千三百五十五兩二錢七分一釐
徵補納額關絲稅正耗銀四萬二千七百一十兩
五釐共銀八萬八千三百一十八兩四錢八分
支部科內閣公費管關養廉書役工食雜用等銀六千
一百五兩五錢九分八釐又除起解贏餘飯銀例給解
員水腳備帶添補平銀一萬六千四百七十三兩三錢
釐外實銀三萬四千一百一十四兩五錢五分三釐
贏餘銀三萬四千一百一十四兩五錢五分三釐
並內務府稅價另行分別辦理惟贏餘一項核與定額
三萬八千兩之數尚不敷銀三千八百八十八兩六錢
查贛關徵稅贏餘全視商販赴粵旺衰從前湖絲茶葉
皆由贛運赴廣東即洋貨廣設口岸絕迹不至現收稅
口通商之後繼以長江添設巨賈絕迹不至現收稅銀
九江贛關僻處一隅富商巨賈絕迹不至現收稅銀
本省土產本屆統計銀八萬八千餘兩比上屆多收一
萬二千餘兩實為近年所徵贏餘銀三千八百餘兩計
委因今昔異形所有短徵贏餘銀三千八百餘兩計
商所奏懇寬免等情查贛關徵稅缺額由於長江散口通
數千兩洵稱實得力懇準將短收贏餘銀兩撥充
案減免著賠以示體卹等語臣等查贛關原定正額銀
四萬六千四百七十一兩五分四釐贏餘銀三萬八千
兩共應徵正額贏餘銀八萬五千一百一十四兩五錢
兩共應徵正額贏餘銀八萬五千一百一十四兩五錢

五釐今贛關自同治十二年五月十六日起連閩至十
三年四月十五日止一年期滿共後正額餘及江海
關代徵絲稅正耗等銀八萬八千三百八兩四錢八
釐內除耗銀七千七百三十五兩九錢五分三釐作爲
經費不計外核計應徵贏餘銀三萬八千兩之數實短
收銀三千八百八十八兩六錢據該撫陳炳短絀由
懇援照上年成案著賠查同治六年該撫陳炳短絀
餘銀兩均經部議令減免上屆多虧至一萬餘兩於同
九年該關短收銀數查較上屆多虧至一萬餘兩於同
議令賠繳三成其十年及十一年分案辦理短收銀數
分相同臣部均查照九年分案至一萬餘兩於同
稅銀較之九分一成在案今該關本屆徵收
令援照八年分案減免九成在案今該關本屆徵收
稅數較之上年多徵銀一萬九千二百餘兩尚非稽徵不力
據該撫陳應援照上年分案減免九成在案今該關本屆徵收
實在情形自應援照上年分案減免九成在案今該關本屆徵收
銀三千八百八十八兩六錢四分六釐以爲體卹其減免一成銀二千四百
百九十九兩八錢六分係額外贏餘例無處分應著落前
任關道文翼照數賠繳查該員應賠該關同治七年尚有
十完銀六千二百六十七兩二錢九分一釐九毫前經
未完銀六千九百九十六兩二錢九分一釐九毫前經
賠銀六千九百九十六兩二錢九分一釐九毫前經
例五兩以上至二萬兩者予限三年應令自奉照定

旨之日起按限完繳以符定例再查同治九年二月
開臣部議覆御史馬相如條陳關務摺內聲明粵捻肅
清商販流通各關監督均應實力稽徵規復原額奏明
通飭遵照在案今核該關徵收稅數較上屆計多徵銀
一萬二千餘兩是以援照上年成案辦理應請
飭下江西巡撫轉飭該關道嗣後經徵額稅務宜力求
整頓規復原額倘有減免成案任意虧短臣部
定行照案議令全數賠補以儆玩泄而重稅課
附捐釐始末

江西之有捐釐始於咸豐五年時戶部奏請通行各省
按貨抽釐以助軍餉爰於南康涂家埠廣信河口鎮設
卡試辦六年乃設總局定法綜計百貨而抽分之凡貨
值銀一兩捐二分值錢千捐二十逢卡抽收不立定限
坐賈則有門釐屬賊蹤肆擾游民敗軍中道劫行旅紳
商等願捐造飛划船立安旅軍以為保衛更定抽分法
改首卡捐三次卡捐二而止凡捐釐五以一養軍四助

餉行之數年道路稱便十年總督曾國藩統軍東下奏以江西釐金全數給軍改總局爲牙釐總局令瑞袁以上七府州屬吉南贛甯道南撫以下七府屬督糧南撫建道分司其事牙稅照湖北章程捐換部帖分上中下三則納銀繳縣報解復改收釐爲兩起兩驗貽軍餉大卡三分次卡二分三四卡同先是兵部侍郎彭玉麟駐之兩起兩驗後他卡免捐

軍九江設湖口二套口卡及甘肅按察使劉于濤統江軍辦賊亦設東西河諸卡皆因地資糧以贍軍用及同治三年巡撫沈葆楨奏奉

上諭以江西牙釐茶稅分提一半作爲防餉嗣曾國藩亦奏以江西境內釐金歸之江西五年五月巡撫劉坤一因大功告竣議減釐捐於是停免坐賈省併分卡并撤東西

河諸卡時方奏設長江水師議五省各留釐卡以濟餉
需兵部奏定江西湖口鎮水師卽留湖口卡釐充餉解
江甯鹽法道支給以爲永遠經費奏定湖口卡歲提水師經費銀一十六萬
兩撥吳城船廠銀一萬兩江西捐釐之初歲入恆百數十萬至是刪
除幾九十萬兩而湖南湖北安徽江蘇浙江福建亦同
時奏裁於是戶部復請整頓釐金毋得裁減奉

旨釐金一項據各省奏報每年減收不下數百萬兩若辦理不
善經費將何所出各該督撫仍須悉心酌核力除中飽
毋得徒博虛譽率行減免蓋自軍興以來徵發不常歲
用千萬東南七省咸仰給於捐釐拮据十年卒平巨寇
而議者動謂捐釐病民要亦濟時之一術也始行於揚
州仙女廟達之數省且資其用以至今日雖非常法亦

未可略而不書也

戶部疏略曰釐金一項原非正供因

依凡大小臣工裁減釐金之奏均隨時

臣認眞經理恭摺述奉諭旨之意係屬外省重

復徵收利歸中飽及不諳政體徵及有挑買易之弊非

因經費已充令裁減釐金也現在兵燹甫平元氣未復

丁漕所入約十之五六盤關兩項及洋稅鹽釐各占

課常稅所入細微此盈彼絀徵數不及常額而各省

辦善後有費練兵設防有費緹徵養勇丁有費河工

有費陝甘雲貴職事方殷更難預計若不通盤籌畫持

減免釐金之議將已裁者不可復行而出入不敷漸成

支絀且外省牧令與委員不得其人卽照例催科亦足

爲閭閻之害果得其人卽設卡抽釐相安無事恤民理

財本不相妨也現查東南七省報明裁減釐金已不下

數百萬兩若不剖析陳明恐辦理不得其宜於經費大

有妨礙應請飭令各省督撫於釐金一項實

力整頓毋博虛譽率行減免其有重複徵收及

侵漁騷擾等弊仍隨時裁汰參辦以示區別

江西通志卷八十七

江西通志卷八十八

經政略五

倉儲

常平倉始漢義倉始隋漢以後自晉迄陳稱大儲備處者有三豫章倉實居其一唐德宗時嘗以趙贊之請於洪州等處置常平輕重本錢上至百萬緡下至十萬積米粟布帛絲麻貴則下價出之賤則加估收之以滌常平本錢宋自景德中始議立常平倉慶厯初始議立義倉旣而青苗事起新法病國至慶元後漸復舊規嘉定四年隆興府通判豐有俊乃請復洪都社倉爲他邑倡將漕胡槻助成之提舉常平使袁燮記其事

袁燮洪都社倉記略

日社倉之設其常平之輔平有餘則歛不足則散與常平無以異然常平良聚於州縣而社倉分佈於阡陌官

無遠通之勞民有近糴之便足以推廣常平賑窮之意此所謂輔也已洪都今爲大府而土非膏腴民鮮儲峙年豐則僅給歲歉則流殍邦人病之郡丞豐君有俊請復社倉自南昌新建二邑始郡捐錢千萬屬里居之賢陶武泉裘萬頃擇土之堪信仗者分糴之以待來歲之用將漕胡機聞而是之運米二千斛助成茲事膺於佛廬於道觀者十有一端緒既開推之他邑可以次第而舉時平價貴亟下其估與民爲市賤復糴之如環斯循爲茲邑便夫天下最不便民者二爲蠹復糴之如環斯循有豪民焉今置是倉也委之士類公其出納則黠吏莫措其姦歲有不登米無甚貴則豪民不開之糴及其進於此也不惟減價直以糴價糴之純於爲民無利心焉可不謂其後史彌忠知饒州亦自積錢糴米五千石以仁政乎

廣儲備元制常平置路府義倉設鄉社明洪武初選天下耆民運鈔糴米卽令掌之如社正副後漸廢弛宏治中南僉都御史林俊撫江西始建議復常平社倉旣立常平倉法至嘉靖八年乃復社倉

林俊疏略曰民司命豫備之計于民最急今江西所屬豫備倉穀積蓄俱少臣竊憂之宋仁宗時嘗出內庫百萬緡以助糴本今日

內庫臣未敢知若承差吏典納銀之例又妨政體彼善
之法冠帶尚義猶可行耳伏望特敕該部計議奏行在
政司招納義民官一千名除問革官吏外不拘本省別
省客商軍民舍餘老疾監生廩增附學吏典及子孫追
榮父祖各聽銀七十兩者授正七品五兩者正八品
四十兩者正九品各散官二十兩冠帶榮身監生減十
之三廩膳減十之二陸續填給收完銀兩分依各縣以
資糴本其不願冠帶願立表義牌坊者出穀二百石亦
容蓋豎又凡問口外爲民邊遠充軍不係巨惡願納穀
千石或數百石容其自贖免擬發遣其誣告負累平人
致死律雖不摘情實猶重并藏盜資逃不報拘捕本罪
之外量其家道罰穀自五百石至一百石以警刁豪俱
由巡撫參詳無容司屬專濫臣仍與巡按督併二司專
責守令于囚犯紙米并應追贓罰工價逐旋存積務取
數足爲期不容分外科罰如縣一十里則積二萬石羅
本精選該縣行檢富戶量力領買上六萬石次四萬
石次三萬石不許市民公役冒領侵費專廠收受名曰
常平如秋成穀賤六石糴入春夏穀貴五石四斗糴出
秋成五石四斗糴入春夏穀貴五石四斗糴出
斗以備折耗存積俱令社長社正開報貧民每丁止買
二錢以杜兼利前項銀兩當令前該富戶給領秋成照
價糴入穀貴依前糴出循環如常若穀賤年分不必發
糴所貴上下和資人法並任同心遠大之圖用復常平
之政臣再勸社民各立義倉與義學義冢例置名曰阜

俗三義盡一義者書一義之門二義三義稱是義倉之略社中富民任其出穀六百石或四百石別處一倉極貧利一分次貧二分春借秋還轉相贖助民樂表異似亦可從若常平既復社倉又行則饑饉有備而地方可保無虞此豫備至計於民至急而江然紀載多闕舊陞西今日尤爲急者伏惟聖慈留意

易湮自宋迄明興廢之故略具於此

隋書新唐書宋元明史食貨志

謝志

南昌府志

國朝順治初定直省州縣衛所各設常平倉十二年定州

縣自理贖緩春夏積銀秋冬積穀悉入常平備賑康熙

三十一年定江西常平倉羅米易穀春閒出陳每米一

石收穀二石還倉四十二年飭州縣設立社倉雍正三

年定江西倉米令一年改易稻穀定常平倉穀額數江

西凡一百三十七萬七百十三石旋奉

諭曰古者視一歲之上中爲儲蓄積之豐年散之歉歲有備無

患法良意美朕自臨御以來宵旰勤求無刻不以民依
爲念乃重農積穀之詔屢下而閭閻卒少蓋藏官倉亦
多虧缺茲據江南浙江江西等省督撫報稱今歲收成
八九十分不等不勝慰悅重爲吾民計長久該督撫可
轉飭有司撙節愛惜各留有餘至社倉之法亦宜趁此
豐年努力爲之先是巡撫安世鼎令所屬建設社倉爲
規約六條一官倉二民倉三定倉制四遴倉長五發倉
儲六釐倉蠲行之數十年閭閻稱便至乾隆七年巡撫
陳宏謀檄知府吳同仁知縣錢志遙整飭倉儲令度地
置倉給之社本慎擇社正社副司其出入更立社倉約
十三條視世鼎所立益加密焉附陳宏謀條約一社
穀或按都或按里擇適
中之地存儲每年聽該都里農民赴社長副領借秋後
每石加息一斗還倉不同都里之民不得攪越爭借

一社長副經管社穀原議每石加息一斗內以五升爲折耗并紙筆修倉等費今給社長副三升爲費七升存公修倉之費估定詳奪一社穀原係借給農民以爲籽種游手生事者均不准借如有農民貧乏社長副不敢輕借許連名公保秋後負欠責令公保同還如無公保不許強借一社長副與地保下役不同如一時難得其人里人公議報官輪磨每遇收放新舊社長公同出納卽作交代以省盤量之煩一都里地方太廣社穀逐積而多難於照管者許將存穀分作二三處另選社長副管理穀少則責任較輕易於得人倉多則借還更近尤屬便益一見存穀內有原係該處捐輸者卽留爲該處出借不必遠撥他處見在如有士民捐輸亦請獎如原無社本不撥他處若無社本另行倡捐照例撥給一社穀經撥定後永爲該都里接濟之物今年出息卽留爲明年借本將來漸積漸多可以免息更多則可充該地公用永不許另撥他處如戶眾穀多難於經理許按原借卹莊各倉分儲一社穀遇水火偏災應行給卹者均請另欸給賑不得擅動一切公事不許動用一江西社穀原有存六借四之例如遇歉歲仍許全借一社穀散借城鄉聽民源源生息已與常年倉穀不同宜慎選社長不時稽查亦不必常查致滋擾累盤量徒多折耗新舊交代問明社長副實數出結歲底還倉之後地方官減從往查一次以杜虛捏抗欠之

弊一借放之期不出春末夏初還穀之期不出十一月統聽該處農民商同社長副定期一面借還一面報明借還之後造冊報官還完之後將所收本息報官封倉另造四柱冊通報凡出借之穀務須歲內還完明春方准再借不許虛數流抵如有爭借抗欠者社長副稟官比追社長副出入不公或虛捏侵蝕許農民控告審實究追若挾嫌誣告加等一見在穀未分儲卽於各鄉赴借嗣後還歸一處收放概用清解一該處穀息如果荒歉詳明方准免息不得擅自免息社長副報官之冊州縣發式照造不許胥吏索費其後四十四年奏以江西各屬社倉額穀四十一萬一千九百二十一石有奇積年息穀三十二萬三千八百五十六石有奇本穀照舊存留息穀糶銀解司凡地方農田水利事務奏明動用嘉慶四年

上諭社倉原係殷實之戶好義捐輸借給貧民之用近來官爲經理借端挪移並不歸款設有存餘首士書吏從中盜賣向來良法徒爲官吏侵肥應一律查禁各省社倉仍

聽本地富戶擇謹厚者辦理不必官吏經手以杜弊竇而裕民食六年定義倉照社倉法歸民經理義倉穀石專借本地農民已借常平社穀者不准再借江西義倉不收息穀

會典事例
南昌府志

南昌府宋分甯縣存惠倉寶祐中縣令吳觀建明新建廣積倉在東湖南建安王府西萬厯閒巡撫夏良心改建義倉裕民倉在城隍廟前天啟閒知府彭期生建奉新廣仁倉在縣東正統六年知縣袁彰建廣盈倉在縣東北景泰四年知縣劉讓建武甯市鎮倉在典史署嘉靖三十二年知縣唐牧建甯州赤江義倉湘竹義倉馬坳義倉萬厯閒知州吳之問立靖安縣社倉六成化二十一年知縣劉芳重建

南昌府志
甯縣舊志

新建奉新靖安武
義甯州舊志

案宋元明以來建設常平社倉或改或廢或遺址不存然法制相傳政事斯繁若以考索難周悉從刪削使經營創始之人姓氏無聞於後非紀載之本意矣茲掇拾志乘存其可知增輯訂譌以俟來哲

國朝節備倉在進賢門內小校場雍正二年巡撫裴律度

捐建

孤老待困荒各隨其地旅師聚野粟以施惠散利

春頒秋斂倉人掌粟有餘則藏待凶而頒荒政十有二

預備雖各有不同大略相倣然常平增糴減糴初非不

善而豪右因緣為奸義倉為義舉而於正供外復令出

粟廣惠本絕戶田產易耕收租以給貧困然田產在官

言利者遂得請竊適供青苗之貨預備始捐內帑後益

贖緩墨吏藉以濫罰遂成外府為儲積計必先去弊其

故難言惟朱子社倉法良意美庶乎可行然時勢各殊

風土較異不得不就遺規更為變通我皇皇上勤

求民隱勸農桑通商運截留以備乏減糴以賑窮所以

加惠蒼黎者靡不備舉而於社倉一事雖以賑窮所以

殷既喜其舉行又戒其急迫惟恐行之不善致滋煩擾

因地制宜須從民便所以重積儲儲圖萬全者至矣極矣

江右省城舊有儲積在別倉久廢壞求之城南進賢門

內得遺址一區因謀新之既成矣乃謀所以捐輸斂散

之法并揭而名之矣是倉之設節豐歲之有餘備儉歲

之不足卽以節備名其倉可矣捐輸無定限亦無相強
官於是居於是者各隨願力以助不願者聽立一簿擇
一吏司蓋藏報核以分別獎勸歲量出以賑饑煮粥老
幼貧疾亦可藉以酌給條列於後不敢必煦煦子子者
果有濟也先絕豪右因緣賦外抑勒與夫官鬻圖利墨
吏外府數大弊而已且顏曰節備持白爲節官以備不
時略師社倉之意而其法迥別也社倉借貸於常平故
須債本加息此不加息亦不得債本社倉鄉人白行故須
推一社首此操諸官鄉人不得擅余中戒及此者恐有
不肖借社倉之名反滋擾累法
聖諭慮之深而
思義庶垂久不廢矣
常平倉舊在將軍渡乾隆十八
年移建府署門東三十年屋壞遂移穀縣倉鹽義倉在
進賢門內道光四年巡撫程含章奏建歸江西鹽法兼
巡瑞袁臨道經理每年向有鹽商呈繳公費折實庫平
銀一萬七千四百兩零經奏明留充本省公用欽奉
諭旨於地方民生實有裨益之事準隨時動用仰
見
皇臣到任後辦理各屬育嬰整頓書院巡緝河匪各經
費奏請於此公費動用仰邀
允準在案惟公費既
有每年歲入之常支用應有實在及民之惠施項銀兩

每年除應給巡緝河匪口糧銀四千兩又白鹿洞書院
經費銀一千兩省城育嬰堂銀一千二百兩外其餘均
係隨時支銷並非年例常用之款計每年餘公費銀一
萬一千兩零年積累難保無挪墊之弊且恐各屬因
有開款以無關緊要工程及不急之務藉口地方公事
率請支用與其以有用之項耗於無益之支銷孰若
實益於民可垂久遠之善政竊維為政莫重於養民救
荒莫善於積穀上年九江等府偶被偏災經臣奏奉
恩旨設廠賑濟自十一月起至本年正月止遠
近飢民就賑者不下八萬餘人除捐項外開銷公費銀
二萬一千二百餘兩數萬災黎莫不合哺鼓腹感頌
皇仁因思買米賑濟僅補救於臨時而買穀儲倉
可預備於先事臣與在省司道府縣公同商議請在省
城建立義倉每年於鹽務公費項下支銀八千兩按照
時價採買穀石收儲倉內如遇應行平糶等事酌量動
用一切收放事宜受立章程責成歸道平糶等事酌量動
藩司查核並將每年收買穀石數目及有無動用之處
歸入次年正月奏報如此歲以爲常在鹽務公費每年
尙餘銀數千兩足備隨時公用而義倉每歲約可買穀
萬餘石遞年積儲久而愈多在豐稔之年官爲收買既
無慮乎穀賤傷農設遇收成稍歉或減價平糶或設廠
賑濟即可與常平縣倉相輔而行公項既歸實用不致
有挪移虛耗之虞而緩急足備於民生實大有裨益
足以仰副聖主惠愛黎元有加無已之至意

豐

備義倉在東萬宜巷道光十四年知府張寅勸郡人士

公建知府張寅記略曰道光十有三年秋予奉檄惟守

無窮之利時值水患日擊被災之民遷移困頓絡繹道

路大吏籌荒委曲勞瘁愈益憂歎而思所以為無窮計

者意更迫矣踰歲流民歸白春徂夏雨暘時若既受厥

明乃從容與郡中賢士大夫議義倉事以為三代後備

荒良策自常平外無踰於此且而陳大府大府亦以為

便計甫定而他郡士之肄業於斯已奇厄一二同志

是邦者可知矣天作淫雨不數日又成奇厄一二同志

之士鮮不見為難而憂其中止予持之益堅謂今日難

於往日安知異日不更難於今日也予何敢不力撫恤

之暇亟事厥事數月間得銀若干兩易穀若干石又捐

輸田若干畝收穀若干斛於府治北得隙地辟買民居

為倉一百九十六間以儲之經始於甲午秋九月四日

落成於乙未春三月望日夫義倉良法也世之論者不

過曰粟藏於州郡所恩皆市井情游於山谷絕遠之民

或力不能自達予以為不然夫市井情游於山谷絕遠之民

臨時稽察有法何得廁於其間且往時江水氾濫其禁

數省民自數百里外漂泊而聚於此者何可勝數但患

粟有限而我無以給之不患其不能達也又或以為義

倉久不發慮腐於倉一發無餘則無以為繼予又以為

不然夫使自今以往永無須此區區者豈不甚善萬一

慮其腐則有常平糶糴之法在或五六年或七八年易
新以歲末爲不可且予今之爲此姑以敬其端耳後之
人積儲有方將歲用月益靡有限量非以予今日之所
儲而遂已也或又慮其充官物將移用不知義倉之取
於民者雖制以有司之法而實鄉人士理之胥吏不得
與焉固已無侵欺盜竊之弊矣異鄉都會上有大吏之監
臨下繫鄉先生之觀聽有司雖迫斷不敢自取反夫自
古無無弊之法法微而不知變通以盡利是膠柱而鼓
瑟也慮其弊並古人之良法美意棄而不復修是因噎
而廢食也國家隆盛閭閻安泰有司潤色太平以爲
觀美亦所宜然非先籌民命使緩急有足恃猶具文
也夫鄉善之心一言能動而厚生之規不十年不立後
之守是邦者倘因予粗就之緒與忠信明察之士詳出
納杜奸欺擴而大之吏推而廣之凡可以厚生而利無
窮者次第修舉不以難自阻焉則籌備倉在樓茅巷咸
一郡之福也是予今日之厚望也籌備倉在樓茅巷咸
豐五年知府史致謬建同治八年吳祖昌增置廩倉同
六年後巡撫劉坤一籌備倉穀令官紳赴各郡平價採
買先後收穀十八萬九千七百七十五石五分儲省倉
南昌縣常平倉舊在縣署西偏雍正七年改建節備倉
東社倉凡四十六 新建縣常平倉凡二一在縣署東

偏一在俛家塘節備倉亦在俛家塘社倉凡二十六

豐城縣常平倉在縣東察院北社倉凡十六 進賢縣

常平倉凡四一在縣署一在旱塘一在義學講堂咸豐

七年毀一在西門內今存社倉凡十七 奉新縣常平

倉在縣署後咸豐五年毀義倉在從善鄉道光二十六

年岳崇敬修社倉凡二十一 靖安縣常平倉在縣署

道光二十二年移建縣學明倫堂後社倉凡十六 武

甯縣常平倉在縣署咸豐四年毀社倉凡十六 義甯

州常平倉凡二一在州署西一在東關銅鼓營常平倉

在同知行署雍正九年巡撫謝閔奏撥節備倉存穀分

儲銅鼓營蓮花橋

議案蓮花橋今設蓮花廳

倉斯建

巡撫謝閔疏略曰古南昌府屬

之銅鼓營與吉安府屬安福縣新交界之蓮花橋各屬州縣寫遠向以瑞州府同知移駐銅鼓營吉安府同知

移駐蓮花橋以資彈壓兩處山深地僻溪流一綫舟楫
難通每遇青黃不接之時穀價騰貴居民艱食祿穀則
有跋涉之苦撥倉又多轉運之艱臣思省城節備倉向
將解存鹽規銀內積穀以備賑濟現存倉穀三萬三千
餘石每年鹽規銀尚有存贖可以陸續買儲請於本年存
贖鹽規銀內照依時價分撥銅鼓營蓮花橋各買穀二
千石卽令各該同知就近管理每年青黃不接俱令平
價出糶秋成買穀還倉所有盈餘仍令多買以期遞年
日增漸至饒裕該同知司其出入令知府每年盤查出
結具報所需倉廩并請於前項銀內動支建造則僻遠
之民可社倉凡三十七志 檣案 府 縣志

南昌府常平倉儲穀南昌縣三萬七千八百五十六石
九斗三升八合新建縣三萬八千二百五十一石一斗
三升八合豐城縣二萬五千石進賢縣二萬六百八十
四石一斗三升二合五勺奉新縣一萬六千石靖安縣
一萬二千二百四十石武甯縣一萬二千石義甯州一
萬六千石凡一十七萬八千三十二石二斗八合五勺

豐備義倉舊儲穀六萬八千三百六十石同治十一年
覈除前後動支耗減今存穀八千七百七十四石五斗
同治八年後社倉儲穀南昌縣一萬八千四十三石一
斗九升八合八勺新建縣一萬二千一百二十四石七
斗六升三合九勺豐城縣六千六百五石五斗進賢縣
二千七百九十八石九斗五合九勺奉新縣八千一百
二十七石一斗二升靖安縣三千四百三十五石二斗
八合九勺武甯縣三千九百九十七石二斗一升七合
六勺義甯州七千四百九十八石七斗一升三合凡六
萬二千六百三十石六斗二升八合一勺

司冊

瑞州府宋上高贍軍倉在麻塘市紹定己丑縣令沈幾
增置四廩元至正丙子廢元際留倉分置縣泊明義倉

在府署前隆慶四年知府鄧之屏建通判林之蘭復建
義倉以遼課急改米倉瑞豐倉在府學後正德八年移
預備倉右有倉大使高安縣便民倉在進龍池右洪武
二十三年知縣張清建預備倉在布政分司右上高縣
便民倉在石家渡正統天順閒知縣張麒嚴肅修義倉
二一在縣東一在布政分司後社倉四新昌縣便民倉
三一在渡江口景泰閒推官秦連建成化後廢一在縣
西南知府鄺璠改建一在八都知縣汪道建都倉在縣
東宋常平倉舊址知縣趙綸建後附廣積倉廣積倉在
縣西預備倉在縣東南萬厯四十四年移縣西以廣積
倉附之三倉合爲一義倉二一廢一在縣西南百戶所

社倉四

瑞州
舊志

國朝高安縣常平倉咸豐五年毀社倉凡十五 上高縣
常平倉在縣署東知縣楊寅建社倉四 新昌縣常平
倉咸豐十一年毀社倉分八鄉儲穀咸豐十一年亦毀

瑞州
新志

瑞州府常平倉儲穀高安縣二萬二千四百八十石上
高縣一萬三千五百五十七石二斗新昌縣一萬六千
石凡五萬二千三十七石二斗同治八年後社倉儲穀
高安縣一千三百五十八石八斗四升四合上高縣三
千三百五十六石四斗八升二合五勺新昌縣二千一
百五十五石九合九勺凡六千八百二十石三斗八升
六合四勺

司冊

袁州府宋州儲倉慶元六年郡守李訖建嘉定十四年

滕強恕修分宜支移倉在江南淳熙七年周必達建萍鄉存留倉在縣西縣令袁均正建萍鄉社倉慶元三年趙汝謙建明常平倉在繡衣坊知府鄭惇興建宜春常平倉在報恩寺側知縣廉養貞建分宜濟留倉在水南城隍倉在城隍祠側知縣莫立之移建水南萍鄉預備倉在縣西知縣黃臺建便民倉在蘆溪近民倉在宣風皆知縣陸世勛建萬載預備倉在城南知縣張邦穀建

姚繼舜修

袁州府志

國朝府常平倉在昌黎堂西名永豐倉本明常平舊倉知府吳南岱移建於府東迎曦樓咸豐六年毀 宜春縣常平倉凡二皆名登瀛倉一在府西一在縣署東知縣郭人傑修咸豐六年毀社倉凡四十二今廢 分宜縣

常平倉在縣東雍正六年知縣譚獻策建乾隆中楊宏綱修咸豐六年毀社倉凡三十六今廢 萍鄉縣常平

倉在縣東北知縣尙崇年熊我蘇建東市倉熊我蘇改

建張敕修社倉凡二 萬載縣常平倉二一在按察司

行館陞知縣何錫命建一在縣署東知縣施昭庭許松

估建張立中修咸豐六年毀社倉凡三

府志
縣志

袁州府常平倉儲穀宜春縣二萬石分宜縣一萬六千

八百八十三石六斗萍鄉縣一萬二千二百二石五斗

萬載縣一萬二千石凡六萬一千八十六石一斗同治

八年後社倉儲穀宜春縣三千六百四石四斗九升九

合五勺分宜縣一千八百五十石八合七勺萍鄉縣二

千九百七十七石五斗七升二合萬載縣二千七百四

十二石三斗一升四合八勺凡一萬一千一百七十四

石三斗九升五合

司冊

臨江府宋新淦縣常平倉在縣西淳祐中縣丞沈正修
新喻苗倉在開化寺明豐積倉在府治東北清江縣預
備倉在寶壽寺東知縣沈儀移建便民倉在廣濟門外
知縣狄冲建社倉六隆慶二年知府馬文學置新淦南
賑倉在縣南嘉靖四十年知縣樂舜賓移建便民倉在
城隍廟東隆慶四年知縣李樂移建崇禎中知縣劉拯
陳以運修社倉八萬曆七年推官楊崑置知縣王立穀
併歸縣倉在縣東北宏治七年知縣盧翊改建峽江縣
預備倉在城內崇禎六年建

臨江舊志
縣志
新喻縣志
新淦

國朝府常平倉清江縣常平倉皆在東關內社倉凡十八

新淦縣常平倉二一在縣署西雍正七年知縣樊宗文建一在西大街嘉慶元年知縣宋名廣改建 新喻縣常平倉在雲津門乾隆十三年知縣查世柱移建譙樓東偏咸豐五年毀雲津門舊址尙存義倉在西門外

峽江縣常平倉在城內橫街社會凡十一縣志

臨江府常平倉儲穀清江縣二萬二千石新喻縣一萬七千二百五十二石五斗八升四合八勺新淦縣一萬六千石峽江縣一萬六千石凡七萬一千二百五十二石五斗八升四合八勺同治八年後社會儲穀清江縣三千五百九石八斗七升四合一勺新淦縣一萬六千七百七十四石一斗五升七合二勺新喻縣五千七十七石八斗五升九合六勺峽江縣四千二百三十一石三斗

七升凡二萬三千四百九十三石二斗六升九勺司冊

吉安府宋泰和便民倉慶厯中主簿葛源建太平倉嘉

泰中縣令趙汝蓂建吉水義惠社倉分儲十三處龍泉

便民倉在水南四廂洲上至於元明不改苗倉在縣東

紹興二十八年縣令胡敦詩移建留倉在百戶所左大

豐陂倉嘉泰元年主簿王楹建萬安縣倉在西街後元

因之元龍泉慶餘倉改宋留倉建明廬陵預備倉建文

二年建謹案元揭傒斯從廬陵縣治記言縣舊寄郡西五萬倉延祐六年築紋錦院徙縣治復改倉三

役並興則元時當有五預備倉四洪武初建正統後廢

便民倉二一在山川壇隆慶二年知縣祝教建一在花

石潭萬厯二年王道成建吉水和養倉在北坊成化中

知縣顧景昌修永豐預備倉嘉靖三十七年知縣陳瓚

建萬厯十七年吳期炤重建安福安積倉在縣東萬厯
二十五年知縣楊廷筠建社倉嘉靖中知縣陳惟直建
龍泉際留倉洪武二年知縣高德賢改元慶豐倉建預
備倉五洪武十三年知縣邱清建義倉十一景泰三年
巡撫韓雍勸立萬安預備倉二十一洪武初建武湖義
倉正統中知縣曾時望建金竹義倉正統中知縣張守
仁建

吉安舊志 廬陵志
吉水萬安龍泉舊志

國朝府常平倉在署門內雍正九年建乾隆三十一年毀
歸縣倉 廬陵縣常平倉在縣署西雍正八年知縣吳
蘭成建咸豐六年毀豐樂義倉道光十五年知府鹿澤
長建咸豐六年毀同治初修社倉凡二十四同治九年
設鄉倉八 泰和縣常平倉在縣署東康熙二十九年

知縣田惟冀建道光五年知縣徐迪惠修咸豐三年毀
四年復建五年再毀 吉水縣常平倉在縣堂西雍正
七年改建常平新倉乾隆十二年知縣李寅改明和義
倉故址建社倉凡二十二 永豐縣常平倉順治十八
年知縣鄧秉恆改明預備倉建咸豐五年毀五鄉義倉
道光二十二年知縣馮詢建上三都義倉邑人捐建

安福縣預備倉四康熙六年知縣焦榮建常平倉在縣
署西道光二十九年知縣黃生芝改城南廢倉建咸豐
六年毀 龍泉縣常平倉四在縣署雍正六年知縣王
卓建咸豐六年毀社倉凡十三 萬安縣常平倉在縣
署西便民倉在芙蓉門 永新縣常平倉在城內大有
倉在縣學東 永甯縣常平倉在縣署東預備倉在縣

署西

謹案萬安永新永甯縣志文簡事略年月無考

蓮花廳常平倉在廳署

西雍正九年吉安府同知黃堂建乾隆十一年廳同知

黃增厯增置廩舍

謹案蓮花廳未設以前巡撫謝閔奏撥儲穀疏略見前府縣廳志

吉安府常平倉儲穀廬陵縣三千石泰和縣一萬六千

石吉水縣二萬石永豐縣一萬六千石安福縣一萬六

千石龍泉縣一萬六千四百三十石六斗萬安縣一萬

六千石永新縣一萬二千三百八十四石六斗永甯縣

一萬二千一百二十六石七斗蓮花廳八千八百石凡

一十三萬六千七百四十一石九斗義倉儲穀五千六

百石有奇

同治九年知府定詳合邑紳捐補

同治八年後社倉儲穀廬

陵縣七千五百九石三斗二升泰和縣七千四百三十

八石九斗九升三合九勺吉水縣三千三百四十五石

一斗二升五合七勺永豐縣九千一百六十六石八斗
七升六合四勺安福縣一千六百三十四石九斗七升
六合二勺龍泉縣三千三百五十二石七斗一升二合
萬安縣一千九百九十四石六斗八升二合一勺永新
縣二千一百七十四石八斗七升四合永甯縣五千八
百五十八石八斗八升蓮花廳一千四百九十五石一
斗八升凡四萬三千九百七十一石六斗二升三勺

司冊

撫州府宋東倉在孔家渡嘉熙三年州守江湛建淳祐

十二年葉夢得增廩舍社倉咸淳七年黃震建崇仁常

平倉開禧三年縣令許繹義建

謹案許繹義縣志作許繹縣舊志引祥符圖經

云倉在縣廊下平糶倉寶祐中縣令成公策建金谿縣倉紹興

十一年縣令周緯建常平倉紹熙中縣令王大有建平

羅倉紹定五年縣令陳詠之建社倉咸淳七年縣令李

沂建

謹案金谿寶祐中縣令游孝博又建賑惠莊買田積米儲望仙觀新志誤載崇仁

宜黃常

平倉寶祐元年縣令楊允恭建樂安省倉紹興中知縣

魏彥林建元崇仁義倉縣尹丁承務建金谿義倉凡四

十九至元中監縣兀都丞建明預備倉洪武十三年建

崇仁鎮倉洪武二十三年建惠民倉在北耆道堂嶺宏

治中知縣方進建金谿預備倉嘉靖二十二年知縣馮

元重建中鎮倉正統四年知縣宋彬建宜黃預備倉宏

治五年建樂安社倉隆慶四年通判葉逢春建東鄉預

備倉在縣西義倉在鄉約所皆知縣諸大倫建社倉隆

慶中通判葉逢春建

撫州舊志崇仁縣志金谿縣志

國朝府義民倉爲明預備倉康熙二年知府劉玉瓚修五

十七年任士理改建義倉道光十五年劉體重建
臨川縣積儲倉康熙二年知縣儲掄建常平倉康熙初知
縣邱泰建義倉同治三年知縣黃恩浩建 崇仁縣義
倉在縣學後嘉慶二十年邑紳謝廷恩建 金谿縣常
平倉在縣署咸豐六年毀社倉凡十 宜黃縣預備倉
仍明舊社倉凡五廢 樂安縣預備倉在縣西咸豐六
年毀社倉凡十三 東鄉縣預備倉義倉康熙五十二
年知縣朱旋修馬墟倉咸豐九年知縣周溯賢建社倉
凡十五

府志
縣志

撫州府常平倉儲穀臨川縣三萬三千四百五十五石
六斗五升崇仁縣一萬六千石金谿縣一萬六千石宜
黃縣一萬六千石樂安縣一萬六千石東鄉縣一萬六

千五百四十四石八斗九升凡一十一萬四千石五斗
四升同治八年後社倉儲穀臨川縣一萬四千五百二
十七石五斗二升一合崇仁縣四千九百十六石三升
九合八勺金谿縣六千三十六石五斗五升三勺宜黃
縣六千六十六石一斗八升一合樂安縣六千七百八
十石八斗六升三合四勺東鄉縣四千四百三十三石
八斗四升九合六勺凡四萬二千七百六十一石五合

一勺

冊司

建昌府宋東坪社倉在可封鄉紹興四年南城吳仲吳
倫建新城大有倉紹興九年知縣趙公輔建元南豐豐
儲倉至元十九年達魯噶齊綽爾原作抄兒建明豐盈倉在
西街洪武初知府余芳改建南城預備倉宏治十四年

知府舒崑山重建孝義倉正德十一年知縣孫君甫改

建南豐義倉嘉靖中知縣祝繼皋建預備倉萬厯十五

年知縣程三省改建

謹案縣志載預備倉洪武二十三年典史孫堅建

新城預

備倉本宋大有倉趾洪武元年知縣沙良佐改建瀟溪

預備倉萬厯九年知縣陳王廷建

建昌舊志南豐縣志

國朝豐盈倉在府署西乾隆十年知府楊宏志改建南

城縣常平倉廢

南豐縣常平倉二一在縣東康熙三

十年知縣郎應寶建咸豐九年易卓修一在縣署西豐

豫義倉在東門道光二十三年邑紳劉良駒等建咸豐

六年毀新城縣常平倉四廣積倉康熙四十四年知

縣張鈞建二馬道倉乾隆元年知縣邵鴻元建冰玉倉

乾隆十年知縣陳材建皆毀平濟義倉同治九年知縣

劉昌嶽合邑紳捐建鄉社倉凡三十五 廣昌縣糧署
倉乾隆元年知縣黃允肅建大有倉在縣署咸豐四年
大水毀 瀘溪縣常平倉四縣倉咸豐七年毀桐埠倉
十年毀同治九年知縣楊松兆修建龍蔭倉尙存麾下
倉廢義倉嘉慶二十三年節婦盧氏傳丹成妻捐建社倉一
在嵩市府志縣志

建昌府常平倉儲穀南城縣二萬四千五百五十石南
豐縣一萬六千石新城縣一萬六千一百九十五石廣
昌縣一萬六千四百七十五石八斗瀘溪縣一萬二千
石凡八萬五千二百二十石八斗同治八年後社倉儲
穀南城縣七千七百七十六石八斗七升五合八勺南
豐縣四千二百四十二石五斗五升二合新城縣二千

二百八十三石四斗八升廣昌縣無社倉瀘溪縣一千七百一十五石三斗六升一台六勺凡一萬六千一十八石二斗六升九合四勺

司冊

廣信府宋鉛山兼濟倉淳熙十五年直華文閣趙不遇建洎口倉在清流鄉淳熙中建明便民倉景泰四年巡撫都御史韓雍檄典史孫珏建知縣張昂重建國賦倉成化十一年張昂建興安預備倉隆慶四年知縣孟倣建社倉萬厯中知縣劉一貫建貴溪預備倉萬厯四年知縣顧起淹移建東社倉北社倉萬厯二十五年知縣

孫大祚建

鉛山縣志 興安縣志 貴溪縣志

國朝府常平倉初名廣濟倉順治九年知府朱治泰建雍正八年蘇社改建於府署西乾隆三十三年併歸縣倉

上饒縣常平倉在縣西咸豐五年毀城隅社倉乾隆

八年知縣汪文麟建鄉社倉凡十四 玉山縣常平倉

三米倉在大西門內今廢謹案府縣志皆不載建倉年月人名義倉在梅

魁埂道光三年邑人周廷珍廷珠捐建埭倉凡舊社倉

四後社倉七皆廢 弋陽縣預備倉康熙七年知縣陶

燿建十四年毀常平倉在縣署西 貴溪縣南常平倉

在縣北康熙二十四年知縣張鵬翼建西常平倉在縣

署西雍正八年知縣汪炎修新社倉乾隆二年知縣張

延福建 鉛山縣常平倉在縣署西咸豐間圯 廣豐

縣常平倉在北門內謹案縣志不載今據府志編入興安縣常平倉

在南門內總社倉二一在南門一在葛源乾隆三十三

年建府志縣志

廣信府常平倉儲穀上饒縣二萬八千石玉山縣一萬
二千石弋陽縣一萬六千石貴溪縣一萬六千石鉛山
縣一萬六千石廣豐縣一萬六千石興安縣一萬二千
一百一十五石八斗五升凡一十一萬六千一百一十
五石八斗五升同治八年後社倉儲穀上饒縣七千五
百一十石七斗九升四合三勺玉山縣二千七百九十
四百四斗二升一合三勺弋陽縣三千九百五十三石
一斗一升五合四勺貴溪縣六千六百五十石八斗五
升九合七勺鉛山縣五千五百三十四石八斗八升六
合四勺廣豐縣二千四百九十九石一斗八升二合三
勺興安縣二千五百六十三石二斗七升三合四勺凡
三萬一千五百六石五斗三升二合八勺

司冊

饒州府宋浮梁常惠倉在能仁寺瀉祐中建餘干縣倉在白雲城景德中建元改名際留倉明大有倉在豐泰坊洪武三年知府陶安重建萬厯十五年劉惠喬移永福寺後鄱陽常豐倉在縣西嘉靖五年知縣徐俊民改建社倉一百六十五萬厯二十四年沈光宗立餘干預備倉在花園巷知縣姜應麟改建龍津倉萬厯中朱炳文建樂平預備倉在城隍廟左右宏治九年趙琦改建有備倉在禪臺趙琦改建浮梁社倉洪武二十四年知縣高銘建德興預備倉嘉靖中建安仁古義倉在游藝坊至真倉在縣北正統六年知縣項備建萬年存留倉許孚遠建預備倉在五星橋知縣楊清建

饒州舊志
鄱陽樂平安

國朝鄱陽縣常平倉明舊址乾隆三十八年知縣朱堯修
咸豐三年毀社倉凡五十八雍正二年李汝霖省併爲
五十三 餘干縣常平倉道光元年知縣董瀾修社倉
凡七 樂平縣常平倉舊爲便民倉順治十八年知縣
高脫凡建社倉凡十五 浮梁縣常平倉康熙二十一
年建嘉慶元年知縣田懋仁修社倉凡十三 德興縣
存留倉咸豐五年毀 安仁縣常平倉在縣北康熙二
十年知縣周績顯改建鄉社倉凡十三 萬年縣河南
大有倉明預備倉阻康熙二十一年知縣張勸知改建
常平倉在其後咸豐七年俱毀社倉凡四

府志
縣志

饒州府常平倉儲穀鄱陽縣三萬三千石餘干縣一萬
六千石樂平縣一萬六千四百八十石浮梁縣一萬六

千石德興縣一萬二千石安仁縣一萬六千三百二十
七石六斗萬年縣一萬二千石凡一十二萬一千八百
七石六斗同治八年後社倉儲穀鄱陽縣二萬九千二
百一十九石六斗三升五合二勺餘干縣三千七百三
十石三升八合五勺樂平縣四千四百二十九石三斗
七升三合一勺浮梁縣五千四百五十九石四斗一升
七合七勺德興縣七千七百八十石三斗九升四合三
勺安仁縣六千三百九十五石三斗五升七合五勺萬
年縣五千六百四十七石九斗五升六合七勺凡六萬
二千六百六十二石一斗七升三合

司冊

南康府宋義倉在星子朱公坡上朱子建明豐濟倉在
府南洪武二年建嘉靖中移潯陽門文公義倉宋舊陞

洪武五年知縣朱敏重建星子預備倉四洪武二十三年知縣吳善甫建都昌預備倉洪武二十四年建存留倉在倉前嘴萬厯中知縣王天策建義倉隆慶中曹鏞建建昌存留倉洪武五年知縣倪恭建預備倉四洪武二十三年郭燾建詳案府志作永樂年建義倉二景泰中建安義預備倉正德十四年通判蔡讓建南康舊志星子建昌縣志

國朝鹽義倉在府西道光二十一年建咸豐三年毀星

子縣常平倉在縣署咸豐三年毀都昌縣常平倉在

縣署社倉乾隆六年知縣黃登穀建凡九建昌縣常

平倉在縣署咸豐四年毀安義縣常平倉在縣署咸

豐六年毀府志縣志

南康府常平倉儲穀星子縣二萬二千石都昌縣一萬

六千石建昌縣一萬六千八十三石八斗一升安義縣
一萬二千石凡六萬六千八十三石八斗一升同治八
年後社倉儲穀星子縣三千七百五十七石九斗四升
四合八勺都昌縣無存建昌縣四千三百七十二石四
斗一升三合一勺安義縣一千五百五十九石四斗一
升四合二勺凡九千六百八十九石七斗七升二合一

勺

冊同

九江府明德化南糧倉在城東北萬厯二十年知縣楊
維岱建儒學倉宏治三年知府童潮建瑞昌永豐倉在
東山寺右宏治五年知縣朱廷宗移建小南街正德十
一年黃源大再移東山寺嘉靖三十二年賂秉韶修預
備倉成化中右參議李魁建湖口官倉五洪武二十三

年知縣薛保兒建嘉靖中圮預備倉在成德嶺嘉靖三

十五年沈詔建九江舊志

國朝九江關義倉舊稱九餘倉在巡道舊署雍正六年管

九江關監督饒南九道劉均建詳案九江府志作雍正

劉均建倉碑記經始於戊申七月落成於九月戊申實

雍正五年職官表劉均題委監督自雍正元年後與南

康知府張景良先後管理知府蔡學灝乾隆五年圯分

穀歸縣倉饒南九道劉均建九江關倉記略曰國家

專責於守令而倉察於大僚自畿內以及遠方遇歉歲

則平價糴之計口粍之游賈不能操其贏貧人得以濟

其惠蓋按常平義倉之遺法而折其衷其籌之於事先

者詳且悉矣顧民之饑飽繫於穀穀之出入告焉文移上下

州邑達之郡由郡達之司與院而後入告焉文移上下

趨人力所湊則鄰壤亦深有賴焉夫積穀如積水然通川大河相隔數里不遽相及也滿漕陂池在數武之內則桔槔可以挹注之矣州邑之倉通川也積遠而漕遲得關之倉陂池也地親而既速相因相濟則歲不病而民不傷先後之籌庶幾備矣巡撫中丞適獲我心以潯贛兩關並請於朝輒得俞旨予遂擇地於使署舊址建倉二十間堅緻爽塹不憂卑溼中爲廳三間左右翼以四小室前爲大門亦以四小室翼之使守倉者居焉土木備力之值計白金六百六十兩有奇皆裁汰諸項所節省者謹立石廳右用紀盛事是役也工始於戊申七月三日落成於九月十有五日也

府常平倉乾隆三十年穀歸縣倉咸豐三年毀 德化

縣常平倉在縣署康熙五十八年知縣張近光建張應

午續建雍正十年張思恬乾隆三年暴師毅先後增版

舍咸豐三年毀社倉凡九 德安縣常平倉在縣署雍

正十二年建乾隆元年增建成豐三年毀社倉凡八

瑞昌縣常平倉乾隆十二年知縣林廷瑛建社倉凡四

湖口縣常平倉六咸豐四年毀社倉凡七 彭澤縣

常平倉在縣署乾隆七年知縣李松泰建咸豐四年毀

社倉凡十二

府志
縣志

九江府常平倉儲穀德化縣二萬六千石德安縣一萬
二千石瑞昌縣一萬二千石湖口縣二萬石彭澤縣二
萬石凡九萬石關義倉分儲穀德化縣二千一十一石
九斗八升七勺湖口縣四百四十四石七斗九升六合
彭澤縣六百二十九石六斗一升凡三千八十六石三
斗八升六合七勺同治八年後社倉儲穀德化縣二千
五百三石七斗四升八合二勺德安縣五百一十石三
斗九升六合瑞昌縣一千四百九十四石五斗六升六
勺湖口縣一千八百九十六石八斗七合五勺彭澤縣

四千二十五石三升六合六勺凡一萬四百三十石五

斗四升八合九勺

司冊

南安府大備倉初為預備倉明洪武二十二年知縣黃益中建正德中移富儲坊嘉靖中知府陳健知縣梅賢重建萬厯二十二年同知丁士奇修南康預備倉洪武二十三年知縣吳玉鉉建初在郊外後移縣署東府倉在縣倉南萬厯十八年知縣趙日崇建社倉十五萬厯中趙日崇汪承爵建崇義社倉萬厯中知縣劉汝芳建

南安舊志
南康縣志

國朝南安府鹽義倉在府署初在縣學右

謹案南安府鹽義倉舊為豐備倉

創始年月
府志不載同治六年知府黃鳴珂改建 大庾縣常平

倉在縣署道光二年火知縣時式敷重建社倉分穀儲

十五鄉俱咸豐八年毀 南康縣常平倉在縣署義倉
在縣西北昭忠祠同治十年知縣沈恩華建社倉凡十
三 上猶縣預備倉縣倉久圯社倉凡十九雍正二年
邑人捐立 崇義縣預備倉在縣署東咸豐八年毀同
治十年知縣周長森重建并復七里社倉附志
南安府常平倉儲穀大庾縣二萬四千二百四十石南
康縣一萬六千石上猶縣一萬二千石崇義縣一萬二
千八百一十四石凡六萬五千五十四石鹽義倉儲穀
二千石有奇同治八年後社倉儲穀大庾縣三千四百
四十一石一斗六升七合南康縣一萬三千一百五十
五升四合三勺上猶縣七千一十一石八斗九升九合
二勺崇義縣三千五百六十三石八斗一合九勺凡二

萬七千一百二十一石九斗二升二合四勺

司冊

贛州府明贛預備倉四洪武十九年建社倉八萬厯三十四年建常平倉在塔下寺左崇禎十四年知縣陳履忠建雩都預備倉宏治中知縣高伯齡建萬厯十四年陳士俊修信豐豐積倉在縣西洪武十九年知縣袁經建預備倉在南山觀石成化中何讓建安遠常平倉洪武十九年知縣甘文紹建社倉萬厯三十四年建龍南預備倉成化二十二年知縣蕭經建宏治二年張文增建定南預備倉萬厯五年知縣鄒兆陽建新倉在下厯司萬厯九年知縣劉世懋建

謝志
贛州舊志

國朝府大濟倉在城東乾隆三十年穀歸縣倉關義倉

府志

作道義倉

在城西雍正六年奏建嘉慶二十一年監督巡道

查清阿移建署東鹽義倉在新開路道光十三年巡道
李象鵬建十九年趙仁基移建府義倉左府義倉在城
南宮保府道光十三年知府汪云任建民義倉在城南
駕鶴橋商義倉在府義倉後道光十三年汪云任建
贛縣常平倉四一在縣署西乾隆六年知縣張照乘建
一爲明舊址十年馮瀄建一在育嬰堂一在馬王廟社
倉凡五十八同治九年崔國榜勅立鄉義社倉凡四百
有餘所 雩都縣預備倉明舊址順治十七年知縣李
祐之修康熙中岳憲趙榛增建義倉在寬頭腦嘉慶二
十一年知縣張湄移建 信豐縣常平倉在縣署康熙
二十九年建四十四年知縣張執中增建雍正中復改
建軍戶義倉在大王廟雍正三年十五船捐建義倉凡

十六道光十七年知縣張宗裕勸立社倉凡四十四
興國縣常平倉在縣署西順治五年毀康熙十六年知
縣黃惟桂改建譙樓右曰豐裕倉四十七年張尙瑗增
建義倉凡十一所社倉凡三百餘 會昌縣常平倉在
縣署社倉凡九 安遠縣常平倉在縣署乾隆七年知
縣吳昉建十年何蘭增建道光元年黃文燮修社倉凡
七雍正四年建 龍南縣常平倉明舊趾康熙九年知
縣龔有成修五十九年徐上移建縣堂西雍正四年龔
瑜增建義倉在縣署東道光十三年知縣周玉衡勸立
社倉凡十四鄉義倉同治十年孫瑞徵勸立 長甯縣
預備倉在城內康熙九年知縣井廢修三十八年朱騰
蛟增修五十七年邵錦江移建土地祠西社倉凡十五

定南廳常平倉三一縣署一下厯堡一潭慶堡康熙三十二年知縣吳邇立建雍正九年李子靖移下厯潭慶倉建縣署東乾隆十年余應祥增建社倉雍正初知縣邊溪李化龍先後勅立凡十二

縣志
廳志

贛州府常平倉儲穀贛縣三萬三千石零都縣一萬六千八百八十五石信豐縣一萬六千石興國縣一萬二千石會昌縣一萬六千一百四十三石六斗五升安遠縣一萬六千七百一十九石九斗龍南縣一萬九千六百一十九石一斗七升長甯縣一萬二千石定南廳二萬二千石凡一十五萬四千三百六十七石七斗二升咸豐六年以前提給軍餉同治十年續捐義倉儲穀凡六萬九百九十三石八升同治八年後社倉儲穀贛縣

一萬六百八十三石六斗九升五合零都縣九千一百八十石八斗一升六合二勺信豐縣六千五十二石九斗五升四勺興國縣四千五百十四石一升七合六勺會昌縣一千九百一十一石四斗九升安遠縣四千二百八十五石七斗五升龍南縣三千五百七十石八斗七升七合六勺長甯縣四千三百一十八石二斗四升八合二勺定南廳四千八百二十一石一斗三升七合凡四萬九千三百三十八石九斗八升二合

司冊

甯都州明瑞金預備倉在縣署正德六年知縣林禔移建隆慶三年呂若愚增建萬厯二十二年石有聲修石城預備倉在縣署西洪武初建崇禎九年知縣徐九行周東興重建十五年尙承業增置廩倉

甯都舊志
石城縣志

國朝永盈倉在州署嘉慶十五年知州裘恩澍修道光二年劉丙增建豐備義倉在西關背街道光二十年知州陳雲章合邑紳捐建社倉九 瑞金縣預備倉康熙三十四年知縣田俞改建四十四年郭一豪增建嘉慶十七年惲敬增廢舍咸豐七年毀社倉凡八 石城縣預備倉順治八年知縣董應譽建乾隆七年後增建嘉慶二十三年文貴修咸豐七年毀九里社倉分儲二十所咸豐七年毀

州志

甯都直隸州常平倉儲穀州二萬六百四十六石三斗
瑞金縣一萬二千石石城縣一萬二千石凡四萬四千
六百四十六石三斗同治八年後社倉儲穀州八千二
百四十二石二斗七升九合九勺六抄瑞金縣一千四

百二十九石一斗六升石城縣三千一百一十石一斗
一合七勺凡一萬二千七百八十一石五斗四升一合

六勺六抄

司冊

江西通志卷八十八